

**NATIONAL ASSEMBLY OF
SEYCHELLES**

Tuesday 25th November 2025

The Assembly met at 9 am

National Anthem

Moment of Reflection

Madam Speaker in the Chair

MADAM SPEAKER

Mon a dir bonzour tou Manm. Bonzour tou dimoun ki pe ekout nou ozordi.

Avan nou pran nou azanda pou ozordi lo *Order Paper*, mon ti zis annan en pti mesaz mon ti anvi pase en pti refleksyon, e mon'n osi ganny dir par *Women's Parliamentary Caucus* ki Vis-Chairperson osi pou annan en pti mesaz ozordi. Alors, ozordi i lokazyon lazournen enternasyonal pour eliminasyon vyolans kont madanm, mon pran loportinite pou dir enn de mo.

Mon en fanm, en madanm. Mwan mon zanfann en papa ek en manman ki'n grandi mon dan lanmour ek sekirite. Mon en madanm ki'n rankontre, e sirmont bokou bann defi dan lavi e mon pa'n fer fas avek vyolans domestik, ou vyolans fizik. I sagrinan pour mwan ozordi dir ki sa i pa

le ka pou en gran kantite bann fanm dan lemonn.

Dapre *United Nations* enn dan trwa madanm in sibir en form vyolans dan zot lavi; vyolans domestik, vyolans fizik, vyolans seksyèl, e menm dan nou lemonn teknolozi *digital violence*. Leta-z-ini in dir klerman, e senpleman ki *digital violence is real violence*, e i osi dir ki napa okenn leskiz pou labi kont bann madanm.

Koman enn bann ki ganny apele en *millennial*, mon'n eksperyans evolisyonn e revolisyonn teknolojik. Mon ankor rapel letan ti napa *internet*, letan sel telefonn ki ti donn nou akse avek lezot ti sa ki konmela nou apel *landline*. Mon ankor rapel *dial-up internet*, e mon rapel menm letan *Facebook* enn bann Medya Sosyal pli popiler ozordi ti fer son larantre dan nou lavi toulezour.

Mon en dimoun ki rekonnet, e apresye ki mannyer evolisyonn teknolozi in ede pou devlop lasosyete, me mon osi rekonnet ki devlopman teknolozi i vin avek son kote ki pa sitan pozitiv.

Ozordi kan nou fer refleksyon lo vyolans kont madanm, annou osi rekonnet ki vyolans in osi devlope lo bann rezo, e medya teknolojik, e nimerik. Vyolans lo bann *platform* medya sosyal kont fanm, i annan en konsekans

serye lo lasante mantal, pa zis bann madanm, me osi zot bann koleg, zot *partners* e zot zanfán.

Digital violence i osi menm transformen pou vin vyolans direk, e fizik kont bann madanm. Resers par bann lorganizasyon tel ki *Inter Parliamentary Union*, in demontre ki *digital violence* i ariv ek nenport ki enkli bann fanm dan politik, e dan Parlman.

A sa pwen, i enportan pou nou osi konsider lefe ki en tel laform vyolans, e labi i annan lo nou bann zenn fiy. I pa sitan lwen dan nou prop listwar ki ou pti zil ti soke avek en realite en ka lavi atraver rezo sosyal kont bann zenn fiy.

Annou pa tret sa koman enn ki izole, me koman en sinyal kler ki nou devret fer tou posib pou protez nou bann zenn fiy, e nou bann madanm osi byen ki nou bann zenn garson, e nou bann zonm lo tou *platform*.

Koman brans Lezislatif Gouvernman, Lasanble Nasyonal i annan en devwar e en responsabilite pou edik nou bann madanm, e zenn fiy lo bann *threats* ki pa zis dan nou lavi fizik, me osi *online*.

Nou annan en devwar pou rekonnet bann nouvo defi ki'n devlope e pou pa zis koz lo la me osi pou pran bann aksyon signifikan e reel pou

dekouraz bann tel lensidan pou protez lasosyete e pou ankouraz lilizasyon responsab bann zouti teknolozi ki nou lemonn modern i ofer nou.

Mon demann tou nou bann Manm pou pran loportinite pou edik zot lekor atraver bann *platform* ki egziste e pou komans konsidere ki mannyer nou pou anmenn sa konesans dan nou prose Lezislativ par fer bann sanzman dan nou bann Polisi e Lalwa kot i nesaser. Petet menm, annou komanse par rekonnet sa nouvo form labi *digital violence* ki pe afekte nou lasosyete.

Ozordi mon dir senpleman ki vyolans kont madanm i osi vyolans kont nou bann zanfán, vyolans kont madanm i osi vyolans kont nou bann zonm, vyolans kont bann madanm i osi vyolans kont limanite. Mersi.

(APPLAUSE)

MADAM SPEAKER

Onorab Clarisse.

HON DENISE CLARISSE

Mersi Madanm Speaker. Mersi Madanm Speaker. Bonzour Madanm Speaker. Bonzour mon bann koleg Onorab e bonzour tou dimoun ki a lekout.

Ozordi mon pou koz lo en problem ki pe kontinyen tourmant nou sosyete. Vyolans kont zonm ek fanm, spesyalman anver bann madanm. Sa i en problem ki date tro lontan, i en realite kotidyen pou bokou manman, ser, fiy e bann zanmi. I en vyolans Drwa Imen, en menas pou lasante piblik, e en tas ouswa mark ki'n grave lo konsyans nou tou.

Dan Sesel vyolans kont zonm ek fanm, spesyalman anver madanm pa zis en trazedi prive ki konsern zis bann ki pe ganny afekte, me i en preokipasyon nasyonal setadir nou tou nou merit santi nou konsernen.

Bokou sirvivan pe kontinyen fer fas avek sa sityasyon an silans, stigmatizasyon, e bann baryer sistematik ler zot pe rod lazistis. Bann statistik i vreman preokipan, e trakasan.

Enn dan 4 madanm Seselwa in eksperyans vyolans seksyel. 28 poursan bann sitwayen i krwar ki vyolans kont bann madanm i ankor frekan dan zot komite, 63poursan bann madanm i annan sa lafreder ki zot pou ganny kritike ouswa arsele si zot raport sa bann labi.

Alor, ki 91 Seselwa i agree- 91 poursan Seselwa i agree ki i pa zanmen akseptab pou en zonm disiplin son

madanm fizikman. Sa sanzman dan latitud i devret ganny akonpannyen par en aksyon enstitisyonnel.

E pourtan an 2024, selman 22.1 poursan bann endikater ki lye avek bann zanr, bann lobzektif devlopman dirab i disponib Sesel. E sa i kit bann gran lespas vid, e sonm dan deklarasyon rapor vyolans, inegalite ekonomik e akse avek lazistis.

Madanm Speaker, mon felisit zefor Gouvernman pou lans kanpanny sansibilizasyon lo vyolans kont zonm ek fanm, spesyalman anver bann madanm dan bann lekòl, e dan prizon. Sa i bann letap vreman enportan. Me nou devret poz nou lekòl sa bann kestyon; - eski sa bann linisyativ i vreman dirab? Eski zot pe fer sa lenpak ki nou bezwen?

Sansibilizasyon i merit ganny swiv par aksyon, par kontinite ouswa swivi par evalyasyon, par responsabilite, e rann kont. Nou bezwen osi afront, e fer fas avek en laverite pli profon.

Eski nou pe adres e tret rasin e lakoz vyolans kont zonm ek fanm spesyalman anver bann madanm? Ouswa nou pe senpleman kontant nou avek sonny, e tret bann sentonm? Tro souvan nou

bann larepons i konsantre, e fokaliz lo sa ki pase ouswa arive apre vyolans, bann prose ek bann ka Ankour, bann statistik.

Be ki pe arive avek bann norm patriarkal? Sa *mins-maskilinite toksik, sa depandans ekonomik, e sa silans ki ganny enpoze lo bann sirvivan ki permet sa kalite vyolans pou persiste?

Madanm Speaker, sansibilizasyon lo vyolans kont zonm ek fanm, spesyalman anver bann madanm, pa devret reste zis manda Minister ki responsab *portfolio* Lafanmir. Sak Minister, sak Departman, sak Lazans i bezwen pran zot responsabilite, sak landrwa travay i bezwen vin en lespas sansibilizasyon, ledikasyon ek prevansyon.

Akoz a lafen dizour, sak travayer i retourn se li kot son fanmir. E sa ki nou, nou tolere dan nou lenstitisyon i annan reperkisyon dan nou lakour. Dan en pei osi pti, e enterkonnekte parey Sesel konfidansyalite, e konfyans pa opsyonnel zot esansyel.

Si nou anvi ki bann sirvivan i vin devan e manifeste, nou bezwen kre bann sistenm ki protez zot dinyite e asire garanti ki zot lavwa i ganny tande san okenn krentif ki zot ganny ekspoze ouswa sibir viktimizasyon.

Nou bezwen elarzi nou bann perspektiv, nou latansyon i bezwen reste fokalize lo vyolans kont bann madanm. Nou bezwen osi konsantre lo sa logmantasyon vyolans zanfan anver zot paran. Sa i en siny detres emosyonnel, e sosyal bokou pli serye.

Mon swete ki sansibilizasyon vyolans kont zonm ek fanm, spesyalman anver bann madanm i ganny entegre dan program ledikasyon personnel e sosyal dan bann lekòl. Letan nou ava fer sa, nou ava donn ekip nou bann zenn avek bann zouti pou zot kapab konstri bann relasyon respektive pou zot kapab kestyon bann norm nwizib, e pou zot develop rezilyans.

An konklizyon Madanm Speaker, annou asire ki sa diskour pa vin enn parmi plizyer ki pou fini dan en kwen, dan silans. Les li vin sa pwen tournan, kot Parlman i diriz sa sityasyon avek kouraz, kot bann lenstitisyon i azir avek lentegrite e kot sak madanm Seselwa i konsyan e konnen zot ganny war, zot ganny tande e zot an sekirite. Mersi.

(APPLAUSE)

MADAM SPEAKER

Mersi Onorab Clarisse. Nou ava prezan bouz lo nou *Order Paper*. Mon ava demann *Sergeant at Arms* avek *staff* pou fer Mr Laporte antre *please*, Minister pour Finans.

HON BERNARD GEORGES

(Off-Mic)

MADAM SPEAKER

Onorab Georges?

HON BERNARD GEORGES

Mersi. Bonzour Madanm-bonzour Madanm Speaker. Bonzour tou bann koleg Onorab, tou bann dimoun ki pe swiv nou.

Madanm Speaker, an atandan ki Minis pe vini, mon pe regard *Order Paper Presentation of Papers* mon war ki nou pa'n- Clerk pa'n lir bann *S.I.*

MADAM SPEAKER

Arr... en moman, *thank you*. Bonzour Minis, avan ki mon donn ou laparol pou fer *statement*, Clerk, mon ava demann ou pou fer le neser pou *Presentation of Papers*, *please*.

MADAM CLERK

Mersi Madanm Speaker. Bonzour Madanm Speaker. Bonzour tou bann Manm, Minis ek ou delegasyon e tou dimoun a lekout.

Madanm Speaker, i annan en kantite bann papye, bann *S.I* ki lo *Order Paper*. So, mon a demann en pti pe pasyans pou kapab lir tousala.

SI 53 of 2025 - DBS Debt Guarantee Order 2025.

SI 54 of 2025 - DBS Debt Guarantee Order (No.2) 2025.

SI 55 of 2025 – Excise Tax (Remission, Rebate and Refund) (Amendment) Regulations 2025.

SI 56 of 2025 – Value Added Tax Act (Amendment of Schedules) Regulations 2025.

SI 57 of 2025 – International Bank for Reconstruction and Development - Seychelles First Sustainable and Inclusive Growth Development Policy Operation.

SI 58 of 2025 – Children (Amendment) Act (Commencement) Notice 2025.

SI 59 of 2025 – African Development Bank – Economic Resilience and Green Recovery Support Programme (ERGRRSP) Phase 2.

SI 60 of 2025 – Public Holiday Order 2025.

SI 61 of 2025 – Seychelles Pension Fund (Benefits) (Amendment) Regulations 2025.

SI 62 of 2025 – Seychelles Pension Fund (Pensionable Age) Regulations 2025.

SI 63 of 2025 – Seychelles Pension Fund (Retirement) (Repeal) Regulations 2025.

SI 64 of 2025 – Beneficial Ownership (Amendment) Regulations 2025.

SI 65 of 2025 – Revenue Administration (Electronic Filing of Documents) Regulations 2025.

SI 66 of 2025 – Constitutional Court (Recusal of Judges) Rules 2025.

SI 67 of 2025 - Supreme Court (Recusal of Judges) Rules 2025.

SI 68 of 2025 - Courts (Magistrates' Court Houses) Notice 2025.

SI 69 of 2025 – Construction Professionals Council (Fees) Regulations, 2025.

SI 70 of 2025 - Construction Professionals Council (Classification of Construction Professionals) Order, 2025.

SI 71 of 2025 - Construction Professionals Council (Application Forms for Registration) Regulations, 2025.

SI 72 of 2025 – Electronic Filing of Written Submissions (Civil Matters) Regulations 2025.

SI 73 of 2025 – Electronic Filing of Written Submissions (Criminal Matters) Regulations 2025.

SI 74 of 2025 – Magistrates' Court (Civil Procedure) (Amendment) Regulations 2025.

SI 75 of 2025 – Disaster Risk Management Notice 2025

SI 76 of 2025 – Employment Act (Exemption) (No.2) Order 2025.

SI 77 of 2025 – Public Holiday Order (No.2) 2025.

SI 78 of 2025 – Public Holiday Order (No.3) 2025.

SI 79 of 2025 – Land Reclamation (Retrospectives Authority) (No.2) Order 2025.

SI 80 of 2025 – Revenue Administration (Fees) (Amendment) Regulations 2025.

SI 81 of 2025 – Constitution of Seychelles (First Meeting of the National Assembly) Proclamation, 2025.

SI 82 of 2025 – Public Holiday (No.4) Order 2025.

SI of 83 of 2025 – Employment Act (Exemption) (No.3) (Amendment) Order 2025.

SI 84 of 2025 – Notice under subsection (1) and (3) of section 21 of the Central Bank of Seychelles Act.

E dernyen SI 85 of 2025 – Employment Act (Exemption) (No.4) Order 2025. Mersi Madanm Speaker.

MADAM SPEAKER

Mersi Clerk. Mon ava prezan demann Minis pou fer son *statement* silvouple.

HON SANDY ARISSOL

(Off-Mic)

MADAM SPEAKER

Onorab Arissol.

HON SANDY ARISSOL

Bonzour. Non, mon ti anvi zis met an latansyon ou a krwar nou annan en pti problem son ozordi.

MADAM SPEAKER

Wi, wi. Mon pe remarke.

HON SANDY ARISSOL

Mon pa konnen prezan pour mwan ou a krwar vin en pe pli for. Mersi Madanm speaker, mon ti anvi zis met sa dan ou latansyon. Mersi.

MADAM SPEAKER

Thank you. Minister?

MINISTER PIERRE LAPORTE

Madanm Speaker, Onorab *Leader* Lopozisyon, Onorab *Leader* Zafer Gouvernman, Manm Onorab, tou dimoun a lekout, bonzour.

Madanm Speaker, anliny avek Lartik 154, seksyon (6) Konstitisyon Sesel, e seksyon (30) anba *Public Finance Management Act* 2012 Minister Finans le 31 Out, ti

soumet avek Lasanble en revi lo performans bidzeter pandan sa premye 6 mwan pou lannen 2025. E sa soumisyon ti osi enkli en Bidze Siplemanter.

Dan sa menm legzersis ti enkli en revizyon bidzeter pou sa lannen. An vi ki Lasanble ti dan *recess* sa letan i pa ti posib pou en prezantasyon ganny fer pli boner ki sa.

Madanm Speaker, pou lannen 2025, Lasanble ti aprouv en Bidze R11bilyon, 900milyon, 612mil 45. E avek sa Gouvernman ti prevwar pou fer li en sirplis fiskal primer R379.87 milyon, ki ekivalan a 1.1poursan nou prodwi domestik pri nou *GDP*.

Madanm Speaker, letan bann dokiman ti'n ganny soumet kot Lasanble bann prozeksyon ti baze lo diskisyon ki ti'n ganny fer ant Gouvernman sa letan avek Fon Monneter Enternasyonal an Mars 2025.

Prezantasyon ozordi, pou santre lo performans bidzeter pou sa premye 6 mwan. Madanm Speaker, lo kote nou performans fiskal pou sa premye 6 mwan Bidze in ateri en sirplis fiskal primer R692milyon, swa ekivalan a 2.1poursan nou *GDP*.

Konpare avek prozeksyon en sirplis fiskal primer R6milyon, swa 0.02poursan *GDP*. Sa i en rezilta en konbinezon reveni

an plis ki ti'n prevwar, e i en legzekisyon bidzeter osi pli feb pandan sa menm peryod.

Lo kote reveni *tax*, koleksyon pour sa premye 6 mwan in enn ki'n ase for par rapor a Bidze. An partikilye, koleksyon *VAT Business tax* e *personal income tax*, in perform pli byen ki ti ekspekte.

Lo kote *VAT*, sa i an rezilta parkont en rediksyon dan ranboursman *refunds*, ki ti'n prevwar sirtou pou bann aktivite pou bann biznes dan Sekter Touris.

Lo kote *Business Tax*, en performans favorab in ganny rikorde pandan sa premye 6 mwan, espesyalman dan sekter finansyel. Parkont Madanm Speaker, koleksyon dan *excise tax* e *customs duties* pou premye lanmwatye lannen in pli feb vizavi lekspektasyon.

Menm si valer komodite enporte i lo en logmantasyon pandan sa menm peryod, in annan en *lag*, setadir en retar dan koleksyon pou sa 2 laliny *tax*. Minister Finans ek SRC pe antreprann en analiz pou mye konpran aköz sa i le ka.

Avek sa Madanm Speaker, reveni total ki'n kolekte an term *tax* pou sa premye 6 mwan 2025, i pli o ki sa ki nou ti ganny rikorde parey mon'n dir pandan bann peryod 2024 par apepre R500milyon.

Toutfwa Madanm Speaker, mon anvi averti ki obzervasyon ki nou'n fer dan bann premye semenn ki mon'n dan biro, nou'n vwar ki ant Zen a Oktob performans koleksyon reveni ek *tax*, e non-*tax* in mwen favorab ki ti'n prevwar e mwen favorab ki menm peryod lannen pase.

Madanm Speaker, anba kategori non-*tax*, nou'n rikord en koleksyon pli ba ki ti'n ganny prozekte pour sa premye 6 mwan, kot selman R319.3milyon in ganny kolekte kont en Bidze R661.9milyon. Prozeksyon anba koleksyon non-*tax* pou sa lannen in osi ganny revize pli ba par 16poursan swa R293.9milyon an mwens.

Rezilta prensipal par deryer sa rediksyon in annan pou fer avek sanzman dan modalite finansman Proze lenfrastriktir touristik par IDC lo zil *Assumption*, kot ti'n prevwar en inisyalman ki IDC ti pou deklar en *dividend* ekivalan a \$20milyon e ki ti resevwar avek sa Proze Lotel *Assumption*.

Me an rezilta, sityasyon finansyer difisil ki IDC i trouv li ladan, Gouvernman in deside sa letan pou pa fer sa *dividend* ganny peye. Lo kote bann don, nou'n resevwar pou sa premye 6 mwan en total R28.6milyon kont en Bidze R33 milyon.

Madanm Speaker, sa rediksyon i relye prensipalman avek retar dan lenplimantasyon diferan proze ki ti ekspekte materyalize pandan sa premye 6 mwan e ki ti pe ganny finanse avek bann don. Total prozeksyon pou bann don pou lannen in ganny revize, alor pli ba par 22poursan prosen total R101.5milyon.

Pli gro konponan sa revizyon i konpri de proze lakaz ki ti ekspekte ganny finanse par Gouvernman Lasin me ki pa ekspekte ganny materyalize pou sa lannen, me plito lannen prosenn an vi retar dan finalizasyon lagreman ant Gouvernman presedan, e an menm tan febles kapasite Gouvernman ki nou'n observe dan lekzekisyon serten Proze Kapital.

Madanm Speaker, parey tou le lannen Minister Finans i antreprann en revi performans premye 6 mwan, e reviz performans Bidze bann Minister, departman e lazans.

Sa legzersis in ganny fer pou revwar alokasyon pou serten depans ki swa dan bann Proze Kapital, alokasyon saler ouswa byen e servis. Anba saler pou sa premye 6 mwan nou'n vwar en *savings* R97.6milyon ouswa 5poursan par rapor, Bidze inisyal R1.82bilyon.

Sa i prensipalman relye avek retar e enkapasite bann Minister, departman e lazans pou rekrit bann *staff* ki zot ti sipoze rekrute. Madanm Speaker, anba byen e servis pou sa premye 6 mwan nou'n war depans anba sa kategori, e ankor pli ba ki ti'n bidzete.

En total depans R1.6bilyon in ganny rikorde pou bann byen e servis, konpare a en Bidze R1.87bilyon pou sa premye 6 mwan.

Lo kote Proze Kapital Madanm Speaker, pou sa premye 6 mwan depans lenvestisman in total selman – (pardon)- in total R369.2milyon konpare avek R180.7milyon pou menm peryod lannen pase. Parkont, si nou ekskli depans tournwa *FIFA Beach Soccer* e *CJSOI*, lenvestisman pou Zanbye a Zen sa lannen i plizoumwen lo menm nivo ki 2024.

Madanm Speaker, swivan legzersis ki'n ganny fer in annan serten re alokasyon bidzeter ki nou bezwen antreprann, e Gouvernman pe fer demann pou en Bidze siplemanner an akor avek seksyon 54 - 154.6 –(pardon)-nou Konstitisyon pou en sonm R452milyon, 246mil, 772.64. Sa pe ganny finanse par en konbinezon en rediksyon dan depans bann Bidze pou en

sonm 967- (pardon)-
R969milyon, 431mil, 988.73.

Sa i fer Madanm Speaker, ki ozordi nou pe prezant avek Lasanble en rediksyon *net* pou anmontan R517milyon, 185mil, 216.08 dan Bidze 2025.

Madanm Speaker, avek sa mon pou pas an revè lo bann demann adisyonnel ki Gouvènman pe demande.

Anba saler en sonm 342.19milyon ki relye avek realokasyon depans saler pou travayer an relasyon avek nou rekritman anba lofis *National Tender Board* e Konsil pou bann Ners, e Fanm Sarz.

Parkont, en total R69.7milyon anba saler bann Minister, Departman e Lazans pe ganny koupe, an rezilta bann *savings* ki mon'n fer referans avek pli boner, e sa i fer ki anba saler i annan en *net* rediksyon R69.4 milyon.

Madanm Speaker, i bon note ki sa total kopi i enkli en sonm 22milyon anba kategori *Other Wages*. Madanm Speaker, bann byen e servis. Dan byen e servis en sonm R179.13milyon pe ganny rekomande koman Bidze adisyonnel pou kouver depans an plis pour sa lannen.

Bann Antite ki annan pli gro alokasyon sa Bidze anba sa kategori swivan; Departman *ICT* en sonm R6.1milyon pou kouver

depans pou kour souskripsyon *software Microsoft* e osi lakizasyon en nouvo *server*.

Lenstiti pour devlopman bann zanfan en sonm R3.08 milyon pou kouver kou adisyonnel pour lasistans anver bann zanfan dan servis *Day Care*, e osi lasistans ganny mete pour bann *Childminders*.

Lazans Transpor lo Later kot en sonm R5.8milyon pe ganny bidzete pou al anver diferan defis - pardon diferan depans dan sa Lazans. Komisyon pou Anti-Koripsyon, kot en sonm R13.8milyon pe ganny bidzete pou kouver kou adisyonnel Proze '*Black Iron*' and '*Velocity*.'

Lazans Swen Lasante (*HCA*), en sonm R10 milyon provizyon adisyonnel pou kouver logmantasyon dan kou pou servis *Hemodialysis*. Anba Bidze Madanm Speaker, Byen e Servis nou pe osi fer rediksyon bidzeter R57.9milyon dan bann diferan Minister, Departman e Lazans ki prensipalman relye avek retar dan lenplimantasyon bann program.

Madanm Speaker, dan Proze Kapital en sonm R244.3 milyon pe ganny rekomande koman Bidze adisyonnel e en sonm 609.5- R609.5milyon koman rediksyon bidzeter. Sa

i an vi bann proze ki pa ekspekte materyalize, parey mon'n dir pli boner, ki enkli serten proze ki ekspekte ganny finansse par bann don, e pre eksteryer.

Madanm Speaker, bann alokasyon adisyonnèl pli mazer pour sa revy milye lannen anba Proze Kapital i enkli le swivan; - en total R133.79milyon pou finansman zwe *FIFA Beach Soccer*, ki konpri R44.4milyon swa ekivalan \$3milyon dan form don eksteryer.

En total R51.55milyon pour bann lenfrazstriktir pou zwe *CJSOI*, e en total R4.3milyon pou kouver defisit dan bann Proze *Rock Landslide Mitigation Prevention Measure*.

Madanm Speaker, serten bann proze pli mazer ki ekspekte annan rediksyon bidzeter i enkli swivan. Proze pour Konstrikasyon Lakaz ki ti pe ganny finansye par Gouvernman Lasin pou en sonm R209.7milyon.

Proze *Social Housing*, ki'n ganny bidzete pou ganny finansse par Gouvernman *Saudi Arabia*, kot en sonm R56.6milyon pe ganny redwi.

Proze Devlopman Faz Ile Aurore, kot en sonm R50.4milyon pe ganny redwi ansanm avek Ile Aurore *infrastructure works* kot en

sonm R35milyon i pe ganny redwi.

Madanm Speaker, en sonm R179.9 milyon pe ganny rekomande koman rediksyon dan Bidze anba *net lending*, e sa i dapre revizyon dan modalite finansman parey mon'n dir pli boner, pour devlopman lo zil *Assumption* par *IDC*. E osi revize dan Proze Lenfrazstriktir pou lakonpannyen Litilite Piblik.

Anba kategori sibvansyon pou bann antrepriz piblik, en sonm R1.6 milyon pe ganny rekomande pour Bidze adisyonnèl pou al anver kou loperasyon pou Lenstiti Guy Morel.

Madanm Speaker, anba bann benefis e program pou Lazans Proteksyon Sosyal, en rediksyon bidzeter R40milyon pe ganny propoze anliny avek bann depans aktyel ki'n ganny rikorde anba sa Bidze.

Anba kategori *Development Grants* en sonm R26.9milyon Bidze adisyonnèl pe ganny propoze, ki pou al anver bann proze devlopman pou Linyon Estate e osi *PMC*. Enkli dan sa total i R6.9milyon ki pou al anver repeyman lentere lo pri ki'n ganny fer par Gouvernman lo lapar *PMC* pou finans bann Proze Lakaz 24/24/24.

Madanm Speaker, lo kote det Gouvernman a lafen Zen 2025 nou det total i

R18.15bilyon swa
55.2poursan nou GDP.
Konpare avek lannen 2024 kot
nou det ti R18.6bilyon swa
59poursan GDP.

Sa pti logmantasyon i
reste anliny avek plan bidzeter
2025, e kontinyen mentenir
nou prozeksyon - nou
pozisyon -(pardon)- lo en
tranzitwar soutenab ki ti
ganny agree avek Fon
Monneter Enternasyonal, e ki
ti en konsep fondamantal depi
nou ti komans reform an
2008.

Madanm Speaker, baze
lo performans premye 6 mwan
e revizyon dan reveni e depans
ki nou prozeksyon sirplis
fiskal i pou pli favorab ki sa
1.1poursan ki ti pe ganny
prozekte dan Bidze inisyal.
Avek sa Madanm Speaker,
mon a dir zot mersi.

MADAM SPEAKER

Mersi Minister. Nou ava
prezan pran kestyon, Onorab
Lemiel.

HON SYLVANNE LEMIEL

Mersi Madanm Speaker. Mon
ti ava demande ki nou bouz
dan Staz Komite Madanm
Speaker, petet pou nou kapab
demann kestyon Minis avek
son lekip ki la. Mersi.

MADAM CHAIR

Alright. Nou ava bouz dan...
Onorab Roucou ?

HON MICHEL ROUCOU

Mersi Madanm Chair.
Bonzour tou dimoun a lekout.
Bonzour tou Manm Lasanble
mon bann koleg, espesyalman
zabitan Mont Fleuri.

Madanm Chair, ler
mon'n ekout Minis, bonzour
Minis ek ou lekip annefe, i
annan sa size ki kontinyelman
i tanzantan i monte sak fwa
Bidze i vini, espesyalman lo
kote *recruitment* lo kote bann
lazans li menm li.

E, eski Minister Finans li
menm li dan bann rankont ki
zot fer ek bann lazans,
espesyalman lo preparasyon
Bidze, eski i annan en serten
diskisyon ki zot gannye ek
bann lazans, pou war ki bann
defi ki zot kontinyelman pe
rankontre pou zot *recruitment*?
E ki travay zot pe fer avek
Departman ki responsab lo
kote bann *post* li menm li dan
Gouvernman, pou fer sir ki
Seselwa li menm li laba deor ki
apply bann pozisyon ki zot war
zot ki zot pe ganny, zot pe
ganny mete dan sa bann
pozisyon e ki napa bann lezot
triker ki pe anpese ki ozordi
nou war ki i toultan pe repete
kot nou war poudir i annan
bann larzan ki reste kot bann
lazans pa pe *recruit* bann
dimoun li menm li. Mersi.

MINISTER LAPORTE

PIERRE

Ok. Madanm Speaker, sa i en bon kestyon e annefe nou'n ase sirpriz, sirprann, pou war ki kantite *post* dan Gouvernman ki pa pe *fill*, mon a donn ou en legzanp; -

Par egzanp, pou sa bann nouvo Minister *Industry and Enterprise* dan 56 pozisyon ki zot annan zis 21 ki *fill*. Mon krwar sa i en problemm avek diferan dimansyon e i en problemm probableman en problemm lonterm, kot nou bezwen regard nou plan Resours Imen avek demann lo marse travay.

E i en kestyon kapasite, i pa kapab en problemm bidzeter aköz Bidze ti la. *Anyway*, pou sey reponn ou kestyon dan globalite, mon krwar nou tou nou dakor ki sa i en problemm.

Sa bann diskisyon ki nou pe komans annan la i pa en diskisyon ki Minister Finans i bezwen zis fer avek bann *line ministry*. Mon krwar i en diskisyon ki pou bezwen ganny fer avek Minister Ledikasyon, Resours Imen, Minister *Manpower* pou nou regard li dan en fason pli lonterm.

Akoz i pa vo lapenn nou solve en problemm ozordi si napa en *long term solution*. So, sa diskisyon pou ganny fer an alan. Mersi Onorab.

MADAM CHAIR

Onorab Gill.

HON CHURCHILL GILL

Mersi Madanm Chair. Bonzour Minis ek ou delegasyon e tou Manm, tou dimoun pe ekout nou.

Minister Finans, ler ti pe diskrit sa *dividend* ki IDC ti sipoze gannnen, sa \$20milyon, i ti donn nou garanti sa letan ki sa pou antre dan kont Gouvernman.

Si ou kapab donn nou en nide, aköz ki sa pa'n kapab antre, e dan prozeksyon IDC i pa ti'n *highlight* poudir i annan okenn *areas* ki kekfwa pou annan problemm sa letan. Alors, si nou kapab ganny leksplikasyon vi ki nou ti ganny konfirmasyon ki sa pou antre dan kont Gouvernman. Mersi.

MINISTER PIERRE LAPORTE

Onorab, mersi. Madanm Chair, avek ou permisyon vi ki mon fek pran lofis 2 semenn pase e Mr Payet, mon ti get en *data* ti *involve* dan sa bann diskisyon sa letan. Avek ou permisyon mon a demann li pou adres sa kestyon, silvouple.

MADAM CHAIR

Onorab Woodcock.

HON WAVEL WOODCOCK

Mersi Madanm ...

MADAM CHAIR

Anr *ok. Sorry*, eskize. SS ale.

SS PATRICK PAYET

Mersi Madanm Chair.
Bonzour Madanm Chair.
Bonzour tou dimoun a lekout
e tou Onorab isi prezan.

Madanm Chair, wi parey
zot okouran letan nou ti pe
prepar Bidze nou ti prozekte ki
IDC ti pou annan en *dividend*
parey zot okouran ki baze lo
lease ki ti pe gannye avek
propriyeter *Assumption*, ti pou
annan en *dividend* ki ti pou
antre dan Bidze, apepre
\$20milyon ki nou ti'n mete.

E osi an vi ki bann
lenfrastruktir ki *IDC* in ganny
mandate pou fer dapre
lagreman nou ti'n met en *net*
landing apepre \$10milyon. So,
lo kote Bidze li menm i ti pou
annan en *net budget* apepre
\$10milyon. So sa i en pe bann
diskisyon ki nou ti'n gannye
inisyman avek *IDC*.

Me se pandan letan nou'n
vwar- nou'n *assess* letan
larzan in antre e nou'n
kontinyen sa diskisyon avek
IDC, zot in demontre nou osi
baze lo zot faktè finansyel
aktyelman *at that time*
komansman lannen, nou ti
bezwen vwar ki nou ti bezwen
retoun *Cabinet* pou nou
re pran nou pozisyon.

Akoz nou ti dir sa ?
Premyèman, *IDC* ti demontre

avek nou si zot deklare en
dividend, *usually* en *dividend*
ou tir dan profi e ou tir dan
equity ki ou annan. E si nou ti
pou tir sa \$20milyon, sirtou lo
kote profi ki zot ti pe fer pou
lannen 2024, e osi lo zot *equity*
zot ti pou annan en *equity*
negativ.

E zot *external auditor*,
letan in vwar sa i ti pou montre
zot ki zot ti pou annan en
growing concern e i ti pe donn
zot dapre zot odit ki ti pou
annan en *growing concern*. Me
an vi ki letan nou ti fer analiz
nou ti vwar ki nou pa ti anvi ki
nou annan en Antite
Gouvernman ki ti pou annan
en *growing concern* lo son
balance sheet.

Sanmenm sa ki nou ti
retoun ek Gouvernman nou ti
agree avek *IDC* wi, mwayen
term ou ava re kontinyen pey
Gouvernman *dividend*, me
selman letan ou regard zis pou
sa tranzaksyon ou pa pou
kapab pey li direk pou sa
lannen. So, par egzamp letan
IDC nou'n ganny nouvo
lenformasyon zot in dir ki
apepre lo *Assumption* zot pou
fer apepre \$6 a 7milyon profi
par lannen.

So, nou ti'n al agree avek
zot ki pandan sa bann lannen
ki pe vini mwayen term, zot
pou kapab pey nou apepre
R30 a 35milyon tou le lannen.
So, sa i en pe diskisyon ki
nou'n gannye avek *IDC* apre

ki letan nou ti'n fer *forecast* bidzeter e sa nou'n met li dan nou revl bidzeter letan nou ti pe fer milye lannen. Mersi.

MADAM CHAIR

Onorab Woodcock.

HON WAVEL WOODCOCK

Mersi Madanm Chair. Bonzour Minis, tou Manm e tou dimoun e lekout.

Minis, *figures* statistik i koz laverite, e premye 6 mwan pei in byen fer ekonomikman anba *previous administration* e nou vwar ki *average world GDP growth* i 2.7poursan an 2025, e *GDP growth* Sesel i plis ki sa *average world GDP growth* ki 3.9poursan, ki parey mon dir plis ki *average mondyal* sorti 2.9poursan 2024 pou vin 3.9poursan 2025.

E parey ou'n dir ou menm ou lekonmi pe grandi - R500milyon *value added tax* an plis in ganny kolekte dan menm peryod letan ki lannen pase, e lekonmi pe byen fer, *arrival* touris in en rikord sa lannen.

Me mon keston pou ou se ki ou pe prevwar ki nou lekonmi pou kontinyen grandi - nou *GDP growth* pou kontinyelman amelyore or nou kapab war nou fer fas avek bann sityasyon kot i pou annan serten lenpak lo *growth* nou *GDP*?

Parey en konparezon, sityasyon *Assomption* ki pe arive e zafer proze *Quatar*, si i arive ki i kree bann *issue* kot *Quatar* i deside li menm *out of* sa bann konfli ki i annan deside ki kennsel zot bann *flight* ki vin Sesel si pa pou annan en lenpak lo lekonmi nou pei?

Apre dezyenman, mon war en gro koupir anba *Ministry of Lands and Housing*, sa i en proze *reclamation rock armoring* R40milyon ki ti a *significant cut*, mon ti a kontan ganny en pe lenformasyon lo la.

Akoz mon pa konnen si sa i fer referans avek sa Proze *Coastal Management* Amitié Ros Korbizo ki ti pou R29.3milyon ki ti ganny koupe aköz kontrakter ti pe demann plis, e sa proze ti'n ganny *forecasted* pou sa lannen. E la mon war sa 40milyon in ganny koupe ki en *significant amount*.

So si ou kapab donn mwan en pe detay lo sa R40milyon? Mersi.

MINISTER LAPORTE

PIERRE

Onorab, mersi Madanm Chair. Lo kote *GDP*, ler nou prezant Bidze 2026, nou pou prezant prozeksyon *GDP* e kad makroekonomik an zeneral e nou pa espekte en rediksyon dan *GDP*.

If anything nou pe espekte en *GDP* en pe pli favorab vi ki nou program nou Gouvernman en pe pli en pe pli *expansionary* ki sa program ki i ti negosye ek *IMF*.

Si, baze lo program *domestic*, mon pa vwar aköz ou'n dir i pou desann, *if anything* i a reste parey zot i ava mont en pti pe pli vit. Sa proze *Assumption* mon pa espekte li enpakte *GDP* dan en fason negativman aköz i en proze dan plizyer bilyon proze *ok*? Kekfwa si i pa arive nou trazektwar i al en pti pe pli ba me pa bokou, vi ki nou en lekonomi plizyer bilyon Roupie sa i en- i *négligeable* dan nou globalite. lo en proze li menm i enportan be dan globalite i *negligible*. Parkont, mon pa kapab dir ou naryen pa pou arive pou al fer *GDP* desann, si nou annan en sok *extend*. I kapab ki i annan en sok ki *tourism* i tonbe pou 6 mwan i desann byensir la nou pa pou antisipe.

Selman lo *baseline scenario* ki nou annan mon pa war nou pe ganny en *GDP* pli ba ki nou'n prevwar.

Lo kote sa bann dezyenm keston lo kote reklanmasyon, ki'n arive kot sa bann travay ki ou pe dir dan Minister *Lands and Housing* i senpleman ki bann travay reklanmasyon ki ti'n prevwar pa'n arive e enkli

bann travay *rock armoring* eksetera ki ti'n ganny fer, alor sa i normal ki si napa reklanmasyon sa bann travay pa kapab *take place*, ok mersi.

MADAM CHAIR

Onorab Larsen.

HON CECILE LARSEN

Mersi Madanm Chair. Bonzour a tous espesyalman zabitan Au Cap ki a lekout.

Minis, letan mon pe get *President's Office* mon pe note ki sa *additional fund* R546mil, anba *consumables* i en *significant increase*. Eski Minister Finans i kapab donn detay Lasanble lo ki kantite ki'n ganny depanse anba sa vot *to date*? E pou kwa, e aköz sa *additional fund*? Mersi Madanm Chair.

MINISTER PIERRE LAPORTE

Mersi Onorab. Madanm Chair, ankor mon demann mon Sekreter Prensipal pou Finans pou adres sa keston dan son detay *please*. Mersi.

MADAM CHAIR

Alright, proceed.

PS ASTRIDE TAMATAVE

Bonzour Madanm Chair. Bonzour tou Manm Onorab e tou dimoun ki a lekout.

Onorab sa siplemanter anba *President's Office* pou

consumables i prensipalman pou *cater* bann levennman an plis ki ti ganny fer par Biro Prezidan sa lannen. Nou ava rapel petet ki ti annan serten *host* ki'n arive par egzanp letan bann zwer *FIFA Beach Soccer* in al kot Biro Lofis Prezidan pou bann rankont, ti annan *CJSOL*.

So this is why ti annan *deficit* anba sa lokasyon kot nou bezwen war nou bezwen donn en Bidze Siplemanter. *In regards to* depans *to date* napa, nou a zis regarde apre nou ava *provide* ou sa lenformasyon son total Bidze depanse. Mersi.

MADAM CHAIR

Onorab Monthy.

HON PHILIP MONTHY

Mersi Madanm Chair. Mon pou retourn en pti pe an aryer lo kestyon ki Onorab Gill, in demande lo sa \$20milyon *Assumption*, an *layman's term* pour dimoun la deor konpran Minis, aköz in annan plizyer alegasyon.

Eski Sesel in gannyen sa larzan? Eski Sesel in benefisye ek sa larzan ki an form, ki in al kot *IDC*, ki in antre dan kont Gouvernman? En fason ou en lot an term senp, kler, eski sa larzan Sesel in resevwar? Sa mon premye kestyon.

Dezyenm kestyon i lo det total pei, pour 2024 ti

59poursan, pour 2025 in 55.2poursan. So in annan en rediksyon. Ki lenportans mon ti a kontan ki Minis ti e dir nou i i akorde avek ki i kontinyelman annan en rediksyon, oubyen ki nou fer sir ki det total pei i reste *manageable going forward* a lavenir, pour ki nou'n vwar sa bann lannen ki'n pase det in kontinyelman desann de total pour ki nou pa vwar det i retourn 90poursan, 100poursan, ki lenportans pour en pei ki ou akorde avek sa? Mersi.

MINISTER LAPORTE

PIERRE

Mersi pour ou kestyon Onorab. Madanm Chair, lo kote *IDC* mon konfirman ki ziska ozordi lo sa Proze *Assumption*, i annan 17.5milyon Dolar ki'n antre dan kont *IDC*.

Lo kote det Onorab, mon krwar tou dimoun dan sa Lasanble, tou dimoun ki'n swiv deba ekonomik Sesel, menm avan – mon krwar lannen 2008 i en *benchmark* kot nou ti konmans dil ek sa keksoz en pe pli serye, nou tou nou dakor poudir *management date* i enn bann kestyon pli fondamantal pour lasante nou lekonomi. *Ok?*

Mon a zis rapel ou poudir an 2008 ler nou reform ti konmanse, anba nou

Gouvernman ti enn nou kestyon primordyal se anmenn det anba kontrol. Akoz ler ou det i *excessive* ou pa kapab *provide* en servis piblik, *ok*, byen piblik, lasante, ledikasyon san ki ou azout sa larzan dan en fason ki ou lekonomi i vin ensoutenab,

So nou, ler nou ti konmans reform an 2008 dan *GDP ratio* ti 130poursan *GDP*. Nou ti al kot - 2 keksoz. Nou ti al kot *Paris Club*, Prezidan Faure, mwan menm, *Ex VP* Afif, nou lekip, SS mon krwar ti la li osi.

Nou ti al kot *Paris Club*, nou ti re negosye en rediksyon det par 45poursan lo *stock* sa letan, i ti fer ki nou det ti sorti 130poursan *GDP* imedyatman ti ariv apepre 95 *grosso modo*. Nou pa ti fini la, nou ti al kot bann *commercial debt*, si ou rapel ti annan sa bann *famous Euro Bond* ki tou dimoun pe koz lo la.

Nou ti al- akoz Lagreman *Paris Club* ti pou donn menm kantite rediksyon ki zot, zot ti pe donner. Nou ti al rod tou sa bann *bond holders*. Nou ti negosye ek zot parey. E nou det ti desann apepre dan 72 - 70poursan *GDP*.

E nou ti kontinyen sa travay ziska ler mon ti ale an 2008. Ti'n kontinyen desann dan bann - *sometime* lo 60s - la in ariv 50. So, mon dakor ek ou. *Ok*, mon pa pou fer *long*

story short. Mon krwar nou tou nou a dakor poudir *our mandate* anba kontrol, *closer to the long-term target of 50poursan GDP* i nou lobzektif depi lontan e i nou lobzektif Gouvernman ki'n vini e i reste lobzektif sa Gouvernman ki la.

So, i pa en kestyon i pa en swa pour nou pa kontinyen redwir nou det. Akoz si nou pa redwir nou det nou retourn dan detman, nou pa pou kapab kontinyen donn nou pep sa servis sa bann kalite keksoz ki nou'n promet anba nou program. Mon a dir ou mersi. Madanm Chair, mersi.

MADAM CHAIR

Onorab Trevor Louise.

HON TREVOR LOUISE

Mersi Madanm Chair. Bonzour Madanm Chair. Bonzour Minis avek ou delegasyon. Tou dimoun ki a lekout.

Minister, mon kestyon pou en swivi lo kestyon Onorab Roucou ki'n leve oparavan. Ou'n dir dan ou *statement* ki i annan R97.6milyon, 5poursan *the initial budget*, ou a koriz mwan si mon mal, en.

Ki en *savings* baze lo *recruitment* ki'n ganny fer - ki sipoze ganny fer, *ok* ? E nou'n osi antann atraver Onorab Roucou - *sorry*, Onorab Woodcock ki pei in fer byen e i

annan en ta larzan ki'n antre. Ki fantastik.

Me selman si konman en pei nou pe resevwar larzan i pa pe *trickle down* kot son pep, *then* i pa fer sans. Mon pe koz koumsa parske mon pe get lo *regulatory bodies* pa bezwen al lwen.

Annefe dan tou mazorite bann MDAs ler ou pe gete, *Fair Trading Commission* i dir ou i annan 6 *vacant position*. MBS ou war 6 *Seychelles Revenue Commission* 83 pos. E an tou si ou kalkile i sote plis ki 100, e sa zis avek bann *regulatory bodies* en.

Kantite dimoun ki ti kapab ganny en saler ki'n *apply* louveraz oparavan ki pa'n kapab ganny en louveraz pandan sa 6mwan? *Now*, mon kestyon se eski koman en Minister, ler zot pe *allocate* Bidze zot *advise* sa bann dimoun lo lafason ki mannyer *spending* i ganny fer sa i enn.

E ler sa larzan pou ganny donnen dizon i pou annan *reallocation of budget*, ki vadir sa MDO i vin kot ou i demann ou ankor tan larzan pou li fer son *recruitment* ki i pa'n kapab fer dan sa prosen, dan sa *previous* 6mwan, eski zot pou gete si vre sa larzan pe ganny servi pou fer *recruitment*? Parske mwan mon konnen ki i annan bokou Seselwa ki'n sey *apply* louveraz pou en rezon ou en lot pa'n gannyen louveraz.

Alors, mon pe war li drol kantite pozisyon ki annan *available* ki zis pa'n kapab *recruit*? E sa i *across the board across the government* en? Mersi.

MINISTER **PIERRE**
LAPORTE

Onorab, mersi pou ou kestyon. Madanm Chair sa i en kestyon en bon kestyon ki mon ti a kontan met detrwa keksoz an konteks, mon a reponn dezyenm bout ou kestyon avan.

Ler nou fer diskisyon nou pa al dan teknikalite ki kalite pozisyon ou sipoze annan. Sa i desizyon ant bann Minister avek kekfw Minister *Manpower*, nou, nou la pou fer *ressources available ok*, mon kapab donn serten konsey an alan me selman i pa nou konpetans.

Dezyenmman, mon kapab dir ou ozordi pa 100 i annan mil pozisyon dan Gouvernman ki *recruitment* pa kapab ganny fer i annan mil pozisyon la anler ki pa'n kapab ganny *fill as we speak ok*? Ler nou fer Bidze wi, si nou war poudir *consistently* i annan bann *post* ki'n kree ki'n ganny *inflated* nou pa pou donn Bidze, nou a priyoritiz bann *recruitment* pli byen.

Now, premye parti ou kestyon, pou met en konteks dan sa kestyon *whether* i

depans *current*, *goods and services*, *saler or sirtou investment*, ou kapab dir ou'n fer en *savings*, be en *savings* pa *always* en bon keksoz.

Si ou'n fer en *savings* akòz ou'n depans parey ou'n prevwar solman ou'n ganny plis reveni, ouswa ou'n ganny plis efikasite ou'n kapab fer menm lobzektif, menm travay avek mwens travayer pou fer *savings is ok*, i bon *ok*, prodiktivite.

Si ou fer en Bidze, en meyer *primary deficit*, akòz ou'n ganny en *better* reveni, *better form*, *better buoyancy* dan ou *tax effort* i bon. Be, si ou fer *savings* pli bon *primary surplus* akòz ou pa kapab *recruit* dimoun ou pa pe *deliver*. Si ou pa'n fer, ou'n fer *savings* en *better primary surplus* akòz ou kapasite enplimant ou Bidze ouswa ou'n *inflate* en Bidze ki ou konnen ou pa kapab *deliver* i pa bon.

So, nou bezwen met keksoz an konteks. Pou nou dir kot nou'n fer en bon performans i pa zis dir poudir nou fer en *better surplus*. Ou bezwen annan efikasite, ou bezwen annan *savings*, ou bezwen kapab *deliver* lo ou program, sansan sa *savings* ki ou'n fer, sa *surplus* ki ou'n fer i pa bon pou ou lekonomi, i pa bon. Mersi Madanm Chair.

MADAM CHAIR

Onorab Hoareau.

HON JOHN HOAREAU

Mersi Madanm Chair. Madanm Chair, mon kestyon i baze lo *Saudi Fund* ki Minis in koz lo la, in dir poudir larzan ki pa'n antre pandan sa premye 6 mwan ki ti'n predir pou antre e sa larzan ti pou ganny servi pou bann serten *Capital Project* ki enkli redevlopman *Société du Lodgement Pascal Village*.

Mon kestyon se ki, ki an se moman *status* sa negosyasyon ki pe ganny fer avek *Saudi* pour ki sa larzan i antre e sa bann proze i ganny demare *as soon as* ki i *possible*? Mersi.

MINISTER PIERRE LAPORTE

Mersi Onorab. Madanm Chair, mon a demann mon *Comptroller General* Mr Jude Commettant pou reponn *please*. Mersi.

MADAM CHAIR

Mr Commettant.

COMPTROLLER GENERAL JUDE COMMETTANT

Thank you, Madanm Chair. *Thank you* Onorab pou ou kestyon.

Finansman *Saudi* i enn ki Gouvernman in ganny en pe difikilte pou finalize, akòz in

annan serten difikilte pou annan en lagreman final lo modalite sirtou lo kote *procurement*, ki mannyer nou pou enplimant proze?

Akoz *Saudi* son *requirements* se ki ou bezwen servi bann kontrakter, bann *Saudi* menm e ler in fer *procurement* zot in war poudir i annan, ou pa neseserman ganny sa partisipasyon sa *such* lo zot kote e in annan en pe *back and forth* avek *Saudi*.

E diskisyon final ki nou ti fer lo kote sa finansman sa bann proze ki ti pou ganny fer anba *Saudi* se ki nou ti pou transfer sa larzan plito anba *local financing* ki ti pou fer li pli fasil pou nou kapab itiliz sa larzan, pou nou kapab enplimant sa bann proze.

Nou ava rapel i annan 2 proze ki ti anba *Saudi* i annan proze lakaz e osi proze ledikasyon pou lekol La Digue. E menm si nou'n fer sa koupir dan *mid-year*, nou'n fer en koupir dan larzan me nou'n mentenir en serten porsyon sa larzan dan Bidze 2025, pou nou kapab demare avek proze anba *local financing* li menm.

E proze lakaz ek proze ledikasyon pou lekol i pa ankor fizikman komanse, me i annan progre ki'n ganny fer kote *design and so on* - bann formalite in fini ganny fer. Nou kapab verifye avek *SIA* pou nou konn *latest update* me

selman *as far as* ki nou konnen lekol La Digue i sa enn ki'n pli avanse la.

E parey nou'n dir nou'n fer sir poudir in annan larzan pou nou kapab fer sir ki nou fer en serten progre pandan lannen 2025 li menm. E nou'n met son alokasyon dan prozeksyon pou 2026 pou nou kapab kontiny lenplimantasyon ankor anba *local financing*. Mersi.

MADAM CHAIR

Onorab Herminie.

HON WILBERT HERMINIE

Mersi Madanm Speaker. Bonzour Madanm Speaker. Bonzour tou Manm koleg Onorab. Bonzour *panel*, Minis, SS, PS avek Kontroler Zeneral.

Mon kestyon li i pou tonm anba sa dokiman *mid-year review* ki zot ti anvoy nou la *additional fund* lo paz, premye paz anba *goods and services*. Mon pe get en kou lonon, eskiz mwan paz 3 *sorry* en.

Mon pe get en kou lo kote Lofis Prezidan, mon war, mon prezimen ti'n deza an en Bidze ki ti ganny pase an 2024 pou sa kot i annan 1.1milyon *additional* pou *motor vehicle maintenance*, kekfwa *panel* ti kapab donn nou en leklersisman lo kwa sa *additional* ki'n monte.

Epi lo paz 5 anba *capital project expenditure* mon war i annan en *additional* 1.586milyon pou *covered carpark*. So, mon oule en pe leksplikasyon kwa ki *entail* ki 1.5milyon pou an plis ki Bidze ti'n *project*.

Epi *in regards to* Departman Transpor lo paz 5 menm, ler nou pe get lo kote *Westcoast Project la fame*, mon war i annan en *additional component* pou VAT en *additional payment*, mon prezimen sa konponan VAT ti deza la dan sa Bidze oparavan, me aköz sa 42.2milyon an plis?

Konmsi i en pe drol aköz nou ti fini Bidze pou VAT an 2024, me prezan 2025 nou pe vin demann ankor 42.2 an plis milyon, zis en pti leksplikasyon pou sa. Mersi.

MINISTER **PIERRE LAPORTE**

Ok Onorab, Mr Commettant pe parti kestryon apre madanm Tamatave, Ms Tamatave.

MADAM CHAIR

Proceed.

COMPTROLLER GENERAL
JUDE COMMETTANT

Thank you, Madanm Chair. Thank you Onorab ankor pou ou kestryon.

Si nou pou get pou- ma tous kot Proze *West Coast*

avan en - proze *West Coast* nou ti annan alokasyon pou li dan Bidze, me selman l er nou'n vwar poudir aköz *West Coast* li i en proze ki ti'n finanse anba *Grant e Grant financing* son konponan VAT nou bezwen met li anba *local financing*.

E ler nou'n vwar lakantite larzan ki'n ganny materyalize anba sa konponan *Grant* nou'n vwar poudir alokasyon lokal ki nou ti ana pou VAT pa ti pou sifizan, se poursan ki nou bezwen met sa *additional funds* pou sa proze li menm. I pa ki ti napa Bidze me ki sa Bidze ki ti annan i pa ti sifizan pou li.

Si nou pou get pou *President's Office* kot nou'n koz lo sa proze *covered parking* anba *capital project*, *ok yes*, sa 1.58milyon si nou gete i annan 2 proze anba *President's Office*, tou lede proze ti bann proze i ti pe ganny enplimante 2024 e kontinyen e dan 2025.

E nou'n vwar poudir ler ti pe fini lannen pou 2024, nou'n vwar poudir ti napa Bidze pou li an 2025 ler nou ti pe get son faz ki i ti'n arive lafen lannen e *request* ti ganny fer pou transfer larzan pou 2024 met dan *suspense account*. E parey nou'n deza eksplik Lasanble oparavan, *suspense account* i en keksoz ki nou pe dekouraze avek bann Minister.

E alors- me *President's Office* nou pa ti ouver *suspense account* pou li e ki nou ti plifere fer nou'n dir poudir nou bezwen remet larzan kot nou kapab rikord li byen dan Bidze 2026 atraver *additional fund*, atraver Bidze siplemanter ki nou pe fer la, pou nou kapab vwar byen sa depans kot i pase. Se sa ki ou pe war poudir menm si i tin annan- i ti napa sa Bidze 2025. I ti annan son Bidze 2024 me nou pa'n met *suspense account* pou li se pour sa ki nou'n bezwen met son Bidze an 2025 anba larzan siplemanter pou sa lannen. Mersi.

MADAM CHAIR

Onorab Herminie en lot siplemanter.

HON WILBERT HERMINIE

Mersi Madanm Chair. Ou pa'n tous lo *motor vehicle maintenance*, sa- anba *goods and services*.

PS ASTRIDE TAMATAVE

Mersi Madanm Chair. Mersi Onorab pou ou kestyon. Pou *motor vehicle maintenance*, Bidze ki nou ti'n donn *President's Office* pou sa lannen i R4milyon pou son *vehicle maintenance and spending to date* i R5.43milyon.

Sa siplemanter ki nou'n donnen 1.1milyon i pe kouver depans adisyonnèl ki enkli en aryeraz osi avek en garaz ki pou bann kou *maintenance* ki ti arive an 2021 ziska 2024 ti annan en sonm, en konponan aryeraz ekivalan R434mil, apre *maintenance* adisyonnèl anba bann loto, bann Minis ek *constitutional appointees* ki Lofis Prezidan i zere *on their behalf* sa, ti zis sa 2 konponan pou sa siplemanter.

Madanm Chair, an vi ki mon annan laparol si mon kapab zis *go back* lo kestyon Onorab Larsen ki ti annan pou fer avek *President's Office* menm pou *consumables* ki ti demann konbyen Bidze pou sa lannen apre konbyen zot in depanse.

Bidze sa lannen anba *consumables* ti R3.6milyon e *expenditure to date* i R5.2milyon. Mersi Madanm Chair.

MADAM CHAIR

Onorab Arissol.

HON SANDY ARISSOL

Mersi Madanm Chair. Bonzour Minis avek ou *panel*. Bonzour bann Manm koleg Onorab e tou dimoun ki a lekout. Mon ti annan 2 kestyon Madanm Chair.

Premye kestyon ki mon ti a kontan demann avek Minis kekfwa ou konnen letan in ariv

desanm toultan in en kiltir kot dimoun i tann Bidze pei, e la ladministrasyon in sanze. Kekfwa kestyon ki dimoun pe demande la deor, letan ou'n vini pou fer sa *statement*, kekfwa kan nou pe espekte Bidze prezante avek Lasanble Nasyonal e pri an zeneral? Sa mon premye kestyon.,

Dezyenm kestyon i retourn lo bann dokiman ki zot in donn nou sa i lo bann *capital project*. Letan mon pe get *capital project* anba *Ministry of Lands and Housing* i annan plizyer bann proze ki zot in liste par egzanp letan mon vwar *housing unit* Vilaz Orkid, faz 2, faz 3 i annan *social housing loan project*.

Mon anvi demann zot koman nouvo ladministrasyon e Minis, si zot pe osi dan bann prozeksyon pou lakaz, zot pe konsider proze *Dolphin Court* Au Cap? En vye proze ki'n la en pe letan, e nou ti a gete si zot dan bann prozeksyon ki zot pe fer pou lannen prosen si zot pou mazin *Dolphin Court*?

Dezyenmman i annan osi sa proze kot mon'n tann taler mansyonnen *land reclamation project* 40 milyon, *delays in rock armoring will start in 2026*. Be an vi ki i pou komans 2026, eski bann proze *land reclamation* ki konsern en pe destriksyon lakot e parey nou tou nou konnen Au Cap i en landrwa kot destriksyon lakot

i en kantite, eski pou 2026 i pou annan finansman pou nou fini sa *rock armoring* ki mon krwar in komans en bout pli o, ki pou desann avek ziska en pe ki en pe letan li osi in la, ki mon konnen lafanmir Rousseau ki reste la obor lanmer zot ganny afekte en kantite.

Eski dan bann prozeksyon ki zot pe fer sirtou la ki pou koman 2026, zot pou konsider osi bann Proze Kapital ki konsern osi bann distrik parey zot pe konsider lezot distrik dan sa lalis ki zot i donner? Mersi Madanm Chair.

MINISTER LAPORTE

PIERRE

Onorab mersi pou ou 2 kestyon. Madanm Chair.

Onorab i paret ou'n en pti pe bizi, ouswa ou'n *travel*, aköz mon'n dir plizyer fwa *budget cycle* ki- premyerman nou bezwen rekonnet si nou pe al prezant Bidze lafen Zanvye avek en - mon dir avek en antisipasyon aköz nou pa kapab *preempt* ki Lasanble pou fer.

Nou plan se ki nou prezant an Zanvye, espere ki Lasanble ava aprouve fen Mars. E i nou bezwen rekonnet dan avan sanzman Konstitisyon ler ti annan eleksyon nou ti kapab fer Bidze sa lannen, be sa

Lasanble anba zot parti in sanz Konstitisyon pou gard Prezidan 1 mwan ankore pou pouwar. E sa i fer ki i enposib pou nou fer Bidze.

Madanm Speaker, dezyenm pwen lo kote- pou repete ankore, nou pou prezant Bidze 2026, lafen Zanvye e apre tou deba nou a espekte nou *hope* ki Lasanble i ava aprouve lafen Mars.

Lo kote bann proze *Cabinet*- proze investisman, Merkrede pou annan en soumisyon avek Lasanble Nasyonal e zot ganny plis detay e *Cabinet* -(pardon)-apre i ava vin Lasanble Nasyonal dan zisteman dan Bidze.

Be Onorab, mon asire poudir tou sa bann proze enkli sa ki ou'n mansyonnen i pou ganny konsidere son priyorite, *right? I mean* i pa vedir akòz Gouvènmàn i sanze tou keksoz ki ti'n prevwar i pou sanze, *I mean* nou la pou Lepep an zeneral e sa ki priyorite sa ki pe afekte dimoun plis ava ganny konsidere. E plis detay i ava vini byento. Mersi Madanm Chair.

MADAM CHAIR

Onorab Conrad Gabriel.

HON CONRAD GABRIEL

Mersi Madanm Chair. Mon a dir bonzour tou dimoun a

lekout. Bonzour Minis ek ou *panel* bonzour tou Manm Lasanble.

Madanm Chair, atraver ou mon ti a kontan petet zis profit lokazyon ozordi le 25 Novanm e mon sorti dan en distrik Pointe Larue kot latak Mersener ti komanse, mon ti a zis kontan swet tou nou bann zonm ek fanm ki ti ede sa zour dan liniform en gro mersi zot tou ki ti ede konbat sa latak mersener.

So, mon rapel la Mrs Flavienne Pothin, mon dir li mersi. Pou nou bann dimoun ki pe ekoute e menm ki ti dekouver sa bann zouzou an fizi petet ki ti kapab sov en bon pe lavi Sesel. Mersi.

So, Minis mon kestyon i tous kot Departman *Information Communication Technology* kot i annan 6.1milyon, 2.7 milyon i pou bann *Microsoft subscription invoice*, bann peyman ki nou bezwen fer pou *regulate* li apre i annan 4.8 milyon ki bann *server resources* pou *HRS system to be implemented*.

Mon ti a zis kontan petet donn nou en apersi, donn sa Lasanble en apersi ki zistans nou ete. Nou konnen poudir sa i en konponan tre enportan pou mon Gouvènmàn ki pe vin an plas. So, zis donn nou en pe apersi kote nou ete egzaktman ek sa e kan nou pou kapab finaliz li? Mersi.

MINISTER **PIERRE**
LAPORTE

Onorab, mersi pou ou kestyon. Madanm Chair, avek ou permisyon mon ab demann Ms Tamatave pou adres sa kestyon. Mersi.

MADAM CHAIR
Ms Tamatave.

PS ASTRIDE TAMATAVE

Mersi Madanm Chair. Mersi Onorab pou ou kestyon. Onorab, pou *DICT* dan sa siplemanter R6.1milyon ladan R2.7milyon i annan pou fer avek *subscription Microsoft* ki *invoice* ti ganny resevwar *late* an Desanm 2024 *and at that point in time* nou ti'n fini *close* pou peyman.

So, sa peyman li menm li in fini ganny fer, i zis nou pe *regularise* sa sonm. R4.8milyon parey nou konnen Biro Ladministrasyon Piblik pe lans *the new Human Resource Management Information system* e dan Bidze *Public Service Bureau* i annan zis larzan *for the core system itself*.

Be baze lo groser sa sistenm zot pou bezwen *servers* adisyonnèl, e nou pe fer *DICT procure the server* an vi ki sa sistenm pou ganny enstale *across* tou departman Gouvernman dan tou Antite Gouvernman so R4.8milyon

dan sa siplemanter pou akizisyon sa bann *servers*. Mersi Madanm Chair.

MADAM CHAIR
Onorab Henrie.

HON GERVAIS HENRIE

Mersi Madanm Chair. Mon ava dir bonzour tou dimoun. Madanm Chair, mon oule pefas mon kestyon lo en remark anliny avek pwen ki Onorab Woodcock ti fer dan son kestyon.

Letan mon pe get *world output estimated and forecast* par bann lenstitisyon kle enkli *OECD, IMF* e vwar performans Sesel ki par lao *global average*. E mwan mon krwar poudir sa Lasanble ozordi nou bezwen onnet pou nou rekonnet bann bon Polisi Fiskal dirize par bann ladministrasyon sortan.

Me partikilyerman aklanm nou bann teknisyen ki la prezan avek nou lo *panel* ki'n travay en kantite avek sa Lasanble, akòz mon persyade ki ladministrasyon sortan in ekout zot konsey koman bann profesyonnel e in pran bann desizyon ki'n zot in donn- baze lo zot *advice* ki nou'n ganny sa kalite rezilta e mo krwar nou pou dwatet aklanm zot travay.

(APPLAUSE)

HON GERVAIS HENRIE

Kestyon ki mon oule demann *panel* Madanm Chair, se sa kantite depans ki pe ganny propoze anba nouvo ladministrasyon ziska la mon pa'n antann bann Polisi ki pou anmenn reveni adisyonnèl pou kouver sa bann depans ki mon ava dir tre anbisye.

Alor, mon ti ava kontan demann *panel* pou klarifye ki mezir zot pe met an plas lo kote reveni, pou asire ki nou a tonm dan en sityasyon kot nou zis pret larzan e asire ki nou det i reste lo sa pa soutenab ki i lo la ozordi ? Sa i mon premye kestyon.

Mon dezyenm kestyon, mon ti ava kontan konnen ki larzan ki *State House* pe demande pou kouver son nouvo striktir?

An vi ki nou vwar en gran logmantasyon dan lakantite *staff* e *post* ki pe ganny kree depi ki nouvo Gouvernman in vin o pouvwar. Zis pou pran legzanp, en 14enm Minister kote in bidzete dan sa Bidze ziska lafen sa lannen, akòz nou konnen ki *mid-term review* si Onorab Herminie ki'n deza servi i konnen poudir *mid-term review* i bezwen pran kont *reappropriation*. Mersi.

MINISTER **PIERRE**
LAPORTE

Onorab, mersi pou ou 2 kestyon. Dabor si ou permet mon si i pa tro tar mon oule

pas mon kondoleans apartir ou pert dan ou fanmir ki'n arive resaman.

Dezyenmman mon *join* ou pou felisit sa bann teknisyen konpetan ki'n travay avek zot e ki mon *look forward* pou travay avek *going forward*. Lo kote mezir reveni mon a rapel Onorab ki sa Bidze ki nou pe diskite ozordi *supplementary* i en *supplementary budget review* pou Zanvyè, Zen 2025. Alor, ou kestyon mon ava adrese ler mon anmenn Bidze 2026.

Mon kapab asir ou poudir nou annan bann mezir reveni solid ki nou pou vin avek, mon ava diskite an detay. Alor, azordi mon dabor nou ankor pe diskite nou Bidze e sa i konsern Bidze siplemanter 2025, Zanvyè ziska Zen.

Alor mon pa krwar i apropiye pou mon al lo bann detay, bann keksoz ki nou ankor pe travay lo a e ki pou pli apropiye dan Bidze 2026. Mersi Madanm Chair.

MADAM CHAIR

Onorab Henrie.

HON GERVAIS HENRIE

Mon dezyenm kestyon sete akòz bann nouvo striktir, e Lasanble Nasyonal pe espekte ki i pou bezwen annan en *reappropriation* a sa moman. Mersi.

MINISTER PIERRE LAPORTE

Wi, Onorab, mon repete – mon kestyon larepons ki mon'n donner i reste pertinan sa Bidze ki nou pe diskite i pou alokasyon- i pou Bidze performans revi Zanvye, Zen 2025.

Nouvo striktir i pou ganny pran kont dan Bidze ki nou pou anmennen, dabor mon pou anmenn en dezyenm siplemanter avan lafen Desanm, pou permet nou zisteman *get through* sa 2 mwan ki nou la dan Gouvernman e premye kar lannen 2026.

E an fen Zanvye ler mon vini mon ava adres tou sa ban kestyon ki'n nou demande aköz nou ankor pe fer sa bann travay. Mersi Madanm Chair.

MADAM CHAIR

Onorab Georges.

HON BERNARD GEORGES

Mersi Madanm Speaker. Bonzour Minis e ou delegasyon.

Madanm Speaker, mon osi mon ti a kontan pran sa lokazyon ozordi pou remersye sa 2 predeseser- sa 2 predeseser Minis Laporte dan Minister Finans pandan Ladministrasyon Ramkalawan pou sa travay ki zot in fer e osi zwenn avek li pou remersye zot personnel, zot *staff* bann

dimoun dan Minister Finans ki'n akonpanny sa bann Minis e ki kontinyen pe akonpannyen Minis Laporte ozordi pou zot devosyon e pou zot travay dir.

Nou konnen ki i pa en Minister fasil e zot in montre en travay ekselan pandan tou sa bann lannen, e sa mon krwar nou vwar li atraver sa travay ki nou pe fer ozordi. Mon ti a kontan osi felisit Minis, pou lapros kot ou met laksan lo kontinite ek stabilite.

Akoz si i annan Minister kot nou pou bezwen kantmenm ladministrasyon in sanze, ki i annan kontinyen ek stabilite se Minister Finans. Donk, mon felisit ou pou ou lapros e mon swet ou tou pou le meyer pandan pou peryod ki ou pou deservi dan sa fonksyon.

Mon regrete kantmenm ki bomaten ou'n trouv li nesaser pou ou fer en pti git politik lo sa 1 mwan depi ant sa 2 ladministrasyon, mon ti a kontan- anfen i mon devwar pou anmenn en koreksyon, annefe i pa ti 1 mwan i ti 2 semenn, aköz 2 semenn ti bezwen pou dezyenm *round*, aköz Prezidan Herminie pa'n kapab *knock out* dan premye *round* parey i ti'n promet avek son bann siporter.

Donk, mon vin lo mon kestyon e mon kestyon i diferan avek bann lezot. Mwan

mon pe regard *the economic and mid-year economic and fiscal outlook*. E mon ti a kontan Minis ou lopinyon lo enn de keksoz.

Premyerman mon'n regard sa *outlook* e mon dakor avek ou ki sa set en dokiman ki'n ganny prepare par nou Gouvernman e non pa par ou, me mon vwar ladan serten keksoz e mon ti a kontan ki sa bann keksoz ki ganny anmenn devan.

Premyerman mon vwar ki pandan sa peryod *under review* sa premye 6mwan 2025, *tourism* in grandi par 7.5poursan, *manufacturing* par 4.3poursan, konstriksyon par 4.5poursan, lagrikiltir par 3poursan, *financial sector* par 7.5poursan e *ICT* par 32poursan ki'n anmenn en krwasans ekonomik ekstraordiner.

E pandan tou sa letan enflasyon in reste pli ba ki 1poursan, annefe 0.5poursan apepre. E bann rezerv ekstern in granti pou vin 800milyon, pros \$800milyon.

Donk, mon- e sa nou vwar son rezilta dan sa *supplementary* ki nou pe regarde la ozordi kot i annan malgre ki sa *supplementary appropriation* i 400ekek milyon *the reduction* i bokou plis ki sa ki fer ki i annan en *net gain* atraver Bidze.

Mon kestyon donk pou Minis avek ou permisyon Madanm Speaker, se eski Minis ou satisfè ki lekonmi ki ou'n vin rankontre i en lekonmi stab, byen balanse e ki leta, leta finans ki ou'n vin zwenn i enn ki'n donn ou en fondasyon solid pou ou kapab travay lo la pou sa letan ki ou pou deservi?

E malgre ki bann- ki pou annan e sa mon konpran sa ki ou'n dir ou pa kapab al ladan ozordi, mon pa oule ou al ladan ozordi. Me malgre ki dan *manifesto US* pou annan gran depans e en kantite nouvo depans ki pou bezwen ganny fer, lekonmi i ava reste stab e krwasans i ava kapab kontinyen parey ou'n vin zwenn ler ou'n pran ou fonksyon. Mersi Madanm Speaker.

MINISTER **PIERRE**
LAPORTE

Ok, Onorab mersi pou ou kestyon.

Madanm Chair, kestyon Onorab i en pti pe long mon pa pou fer mon larepons osi long, prenan kont kontrent letan.

Kote zafer *knock out* si premye *round*, si dezyenm *round* si *knock out* sa mon les bann politisyen fer komantr lo la, *I don't know*, si dezyenm *round I think* se en *win*, si en *knock out I don't know*. Mon a

les zot deside zot menm antre zot.

Madanm Chair - Onorab, sa bann *chriffre* ki ou'n nonmen i parey ou dir in ganny pibliye i annan serten- i pa premye fwa ki lekonomi i *grow by* tou sa bann keksoz so i pa en keksoz ekstraordiner, toutfwa felisitasyon ki in annan tou sa bann krwasans dan sa bann sekter nou, nou konnen poudir nou pou kontinyen fer li e nou pou fer zot *grow even stronger going forward*.

So, i annan serten konsern mon bezwen *careful* ki mon pe dir mon pa oule *undermined* ouswa montre en mank konfyans danm nou *Bureau of Statistics*.

Selman ler ou war poudir lenflasyon 0.5poursan e ou get realite deor mannyer pep pe ogmante de zour an zour, mwan koman en dimoun ki fek vini mon annan serten- mon pa dir mon dout zot be mon enterese pou asize pou koz avek sa lekip pou mon konpran aköz sa *chriffre* ki la i pa pe reflekte realite, eski in ler petet pou nou revwar sa pannyen *goods* ki fer baz pou kalkil *price index*, right?

So, i annan bann keksoz ki ou kapab dir ki fer ou demann serten kestyon be selman nou'n la menm Lasanble ansanm pou nou travay lo la, regarde Onorab,

wi parey ou'n dir tou sa bann *chriffre* ki ou'n donner mon annan serten konsern lo serten keksoz.

Parey ou'n dir rezerv in ariv 800 milyon aköz ler nou ti'n kite nou ti'n ariv deza mon krwar 3, 4, 500milyon *I don't know, of course* rezerv pou monte, si ou ti'n pran en pei avek rezerv 100milyon ozordi pou 3, 400 milyon so i pa keksoz ki nou a gete dan 4an, *you get the totality over time*, mon pa pou al dan sa bann detay.

Zis pou mon dir ou ki mon anvi rapel sa Lasanble poudir dan bann program ki dan *manifesto US* ti la avan, ti la avan ti la avan *COVID*, annou pa bliye li letan *COVID* ki *rightly* so, Gouvernman i revwar son pozisyon bidzeter i ti pran serten desizyon ti priyoritiz pou redwir sa bann benefis e nou Gouvernman in deside pou retourn li.

So, sa bann keksoz i pa bann keksoz nouvo. *long service allowance* i pa nouvo i ti la avan trezyenm mwan saler i ti la avan e lekonomi i ti annan bonn sante. So mon krwar i enportan pou nou get keksoz a lonterm pa selman pou en lot Gouvernman.

Madanm Chair, mon pa krwar i en kestyon- en kestyon nou kapab debat *privately* ouswa *on TV* en zour napa probleman. Be selman la pou

konteks sa ki nou pe fer ozordi, mon krwar mon ava aret la lo sa kestyon. Mersi Madanm Chair.

MADAM CHAIR

Mersi *Minister*. Nou ava pran en *break* ziska 11er kot nou ava retournen pou rebran kestyon.

(BREAK)

MADAM CHAIR

Nou ava rebran nou travay. Zis en pti gidans pour *Minister*. Vi ki nou dan *Committee Stage*, si letan ou resevwar kestyon i annan okenn bann Manm lo ou tim ki bezwen reponn kestyon, zot kapab zis *proceed* pou zot reponn. Savedir nou lot dimoun, Onorab Algae.

HON EGBERT AGLAE

Mersi Madanm Speaker. Mon a dir bonzour Minis ek ou delegasyon e *panel* Finans. Mon premye kestyon mon pou refer lo size *West Coast*, sa 42milyon ki *Mr De Comarmond in eksplike pour peyman VAT. Mr Commettant, wi.

Mon oule en leklersisman. Anvi ki nou ti bidzete pour lannen 2024 e 25 environ total sonm ki sipoze antre anba *Foreign Grant*, letan mon'n azoute 177 apre 28milyon, ki tonm environ

250 milyon, *ok*. Ou kapab koriz mwan si mon mal.

Mon ti a kontan an relevans avek sa VAT 42milyon, lo konbyen sonm *invoice* ki sa pe kouver an term larzan depanse ki *amount to* sa kantite VAT, *ok*?

Dezyenmman, i annan lo size sa garaz kot *State House* ki ti pe kouver serten sonm pour aryeraz ki zot in fer resorti. Mon ti a kontan petet demande eski sa garaz li menm li ti'n konplete?

E osi si i annan posibilite ki Lasanble i ganny detay bann *procurement* ouswa finansman kot i konsern sa garaz li menm?

E dernyen, kote *HFC*, mon war i annan en koupir environ 7milyon ki'n ganny koupe an giz ki zot in mete ladan an rezilta ki bann aplikan pa'n akse sa *scheme*.

Petet si i annan - zot annan detay dan ki konteks sa bann *scheme* ki nou pe koze si i bann *HIL*, si i bann *Housing Loans* ki dimoun pa ti pe ganny akse avek ouswa pa ti pe pran, si nou kapab ganny en pti detay lo la? Mersi.

COMPTROLLER GENERAL JUDE COMMETTANT

Good morning. Bonzour ankor. Mersi Onorab. Si pou get egzakteman total depans - total depans *West Coast* li menm, nou a bezwen fer sa

legzersis pou nou kapab rekonsilye tou bann *invoices* ki'n pase pou nou konn *the exact amount*.

Me selman ler nou pe get sa alokasyon ki nou'n mete, i annan sa diferan faz ki pe fer, plis lo kote *phase 1* selman. Ki ler nou pe met sa alokasyon i baze lo sa *VAT component*, ki tonm 15poursan valer. Savedir si nou pe met sa 47milyon, nou ekspekte apepre en R300milyon *worth of proze* ki'n ganny depanse.

Selman parey mon pe dir ou sa i en legzersis ki nou a bezwen pe ganny fer parey ki tou le lannen nou fer odit, nou odit nou bann kont. Nou ava bezwen rekonsilye byen sa valer peyman e sa valer louvraz li menm ki'n ganny fer.

Lo kote garaz, si ou kapab zis repet pour sa kestyon garaz. Mon pa'n *capture* li.

HON EGBERT AGLAE

Lo kote sa garaz *State House*, vi ki i annan *additional funds* ki in ganny mete, *ok* pou kouver aryeraz ou'n dir, *ok*? Premyerman, mon ti a kontan si sa garaz ti'n fini, *ok*?

E dezyenmman si i annan posibilite pour Lasanble li menm li ganny detay bann *procurement* atase avek kreasyon sa garaz li menm? Mersi.

COMPTROLLER GENERAL JUDE COMMETTANT

Ok. Proze garaz in konplete, wi. Akse avek bann dokiman, sa mon panse nou kapab fer prosedir ofisyel pour nou kapab fer Lasanble ganny atraver *Clerk*.

PS ASTRIDE TAMATAVE

Ok. Onorab, si zis mon *go back* lo sa kote garaz. Mon krwar ou ti pe koz lo sa *maintenance* dan *goods and services*.

Parey CG in fer, in dir i a fer zot ganny en dokiman tou bann kontra ki *President's Office* i annan avek bann *service providers* ki servis bann transpor sa lofis, avek depans ki'n ganny fer anba sak garaz ziske ozordi.

Lo kote *Housing Finance Scheme* sa rediksyon, ki nou'n vwar *over the years* i annan en rediksyon dan *subsidy* ki nou pe resevwar anba sa *scheme* li menm.

Housing Finance Scheme li i sa i kouver *partly* letan en dimoun i pran en *loan* avek labank oubyen avek *HFC*, kot Gouvernman i donn sa *Grant* baze lo zot saler *zot total cost of construction*. E i annan en evalyasyon ki ganny fer par en Komite kot i donn zot en sonm.

Be ki nou pe vwar nou pe ganny plis *request from the Housing Finance Company*, *rather than* bann *Commercial Banks*.

So, i annan en *sensitization exercise* ki nou Minister Finans nou pou entansifye avek bann labank pour nou fer sir ki sa prodwir i ganny pli byen *markup* avek bann kliyan letan zot vin *apply the loan*.

Aprè dezyenmman, Bidze 2025 ti annan en logmantasyon anvi ti annan bann revè dan bann prodwir ki HFC i donnen. E nou baze lo *revise* bann sanzman, *the MOU* ti'n ganny sinyen en pe pli tar dan lannen. So, sa i rezon akòz i annan sa rediksyon dan sa *scheme*.

Me selman nou pou kontinyelman travay avek bann Lenstitisyon Finansyel pour nou kontinyelman *market the product itself*, tou bann prodwir ki ganny kouver anba *Housing Finance Scheme*, ki piblik i okouran ki bann benefis zot kapab resevwar. Mersi.

MADAM CHAIR

Onorab Aglae.

HON EGBERT AGLAE

Mersi Madanm Speaker. *PS*, si ou pe - mon pe konpran ou byen, *ok*, eski ou pe dir nou poudir bann Labank Komersyal, *ok*, zot pa azour avek sa konponan *subsidy* premyerman?

Ouswa, eski bann kliyan ki pe pran sa bann prodwir

housing zot pa pe benefisye avek sa *subsidy* ki zot sipoze gannnen baze lo zot saler? Mersi.

PS ASTRIDE TAMATAVE

I en *mix* Onorab. Akòz ozordi letan nou pe ganny aplikan pour nou donn sa *subsidy*, nou pe ganny *from HFC*.

Me selman sa prodwir i *extended to Commercial Banks*. *This is why* nou bezwen *go back* kot *Commercial Bank* nou, pour nou regarde akòz bann kliyan ki pe *apply* pour *Housing Loan* zot pa pe kalifye *for that subsidy*.

E osi nou santi i annan en ledikasyon ki nou bezwen fer avek kliyan, *meaning* ek Seselwa, ki letan zot apros labank zot menm zot konnen sa *scheme* i egziste. Kot zot kapab prezan zot rode ki mannyer zot pou benefisye anba sa *scheme*. So, *it's a mixture of both*. Mersi.

MADAM CHAIR

Onorab Grandcourt.

HON ALVIN GRANDCOURT

Bonzour tou dimoun. Bonzour Madanm Speaker. Tou bann Onorab e tou dimoun ki a lekout.

Minis e ou *panel* mon annan 2 *kestyon*. Premyerman, ler mon pe get lo *Ministry of Land and Housing*,

mon war Grand Anse, Praslin PR5694 *landbank*, zot in servi zis 1.8milyon dan 2milyon.

Mon keस्थ्यon i aköz eski in annan retar, oubyen serten alokasyon ki pa'n ganny fer? Nou annan pti lavil osi Praslin. Apre osi mon war lo *Land Reclamation Project*, eski sa i reflekte sa proze Amitié ziska Ros Korbizo osi i ladan dan sa sif?

Apre mon lot keस्थ्यon i baze lo *Ministry of Sports*, ok. Mon war in mont *Beach Soccer*, ok? Si mon mazin byen, e koriz mwan si mon mal, le 13 Me 2025 ti annan en keस्थ्यon ki ti monte dan Lasanble sorti kot *at that time* Onorab Sebastien Pillay, e ti ganny reponn par Vis-Prezidan Ahmed Afif konsernan *funding* pour *Beach Soccer*.

E si mon mazin tre byen, zot ti sipoze ganny *funded by foreign sponsors*. E mon keस्थ्यon aprezan se aköz *maintenant* nou pe war sa bann sif pe monte, ok? Sa i mon 2 keस्थ्यon.

An menm tan osi mon a profit sa lokasyon atraver ou Madanm Chair, pour mwan osi demann e an menm tan pas en remark.

Ou konnen nou adres Lepep Seselwa. *What* sa bann *figures* ki la ki nou pe adrese ozordi, ki mannyer eski oubyen pa'n benefisye

everyday Seselwa? Eski in fer zot lavi pli byen oubyen i pa'n fer naryen ditou pour Lepep Seselwa? Mersi.

MADAM CHAIR

Minister?

COMPTROLLER GENERAL JUDE COMMETTANT

Sorry. Bonzour, mersi ankor pour ou keस्थ्यon. Pour sa bann proze ki nou pe koz lo la, bann proze lakaz, ler nou pe fer sa re alokasyon larzan i baze lo lenplimantasyon proze ki nou war in arive a sa moman *mid-year* kot nou'n fer revi.

E ou keस्थ्यon ti pe *focus* lo plis si i annan sa bann retar. E wi, parey tou sa bann lezot proze ki nou pe gete ki nou pe fer sa bann *budget cut*, in annan serten *delay* dan lenplimantasyon serten proze pou plizyer rezon. Nou'n koz lo la a plizyer repriz.

E i annan re alokasyon ki pe ganny fer baze lo larzan ki nou'n war pa pou bezwen, pa pou ganny depanse annefe pour sa lannen. E ki nou prezan nou pe met li dan nou prozeksyon pour 2026.

Si nou pe koz lo sa *reclamation* ki ou pe koz lo la, i pa pe *focus* lo sa bann *reclamation* Praslin sa, non. I *reclamation* - Proze *Reclamation* ki'n ganny anonse ki Ile Aurore, ki li osi in ganny *earmark* pour sa lannen

e en konponan pour lannen prosenn. Me selman sa i ankor an diskisyon an se moman. Mersi.

SS PATRICK PAYET

Mersi Onorab. Madanm Chair, sa ki konsern *Beach Soccer* letan nou ti pe prepar Bidze 2025, konfirmasyon ki nou ti gannye avek *the Ministry* responsab pour *Sport* sa bann letan, ki mazorite depans ti pou ganny donnen par bann don ouswa *raise financing by* Federasyon Foutbol.

Me selman nou'n vwar ki letan ti pe apros pou fer sa levennman, Gouvernman in bezwen kontribye *almost* \$11.6milyon an tou letan ou regarde pour lenfrastruktir ouswa bann lezot kou.

E osi dan sa 11.6 nou'n vwar ki nou'n kapab ganny *only* \$3milyon ki'n fini antre. Me selman i reste ankor \$2milyon ki ti ankor pe negosye avek *Etihad* baze lo *naming right of the Beach Soccer Stadium*.

So, sa \$2milyon i ankor dan diskisyon, i pa ankor finalize. Me sa i baze lo sa *proposed* Lagreman ki nou'n anvoy kot *Etihad* pou zot *revert back to us*.

So, sa i en pe sort of striktir *financing* letan nou ti pe prepar Bidze. Me apre aköz ozordi nou'n vin avek sa Bidze Siplemanter. Mersi.

MINISTER PIERRE LAPORTE

Madanm Chair, mon ava adres 3enm kestyon Onorab Grandcourt.

Onorab, tou dimoun i perdi, sirtou dan en ka rar kot Gouvernman i rann Minister Finans larzan. Dan sa ka nou'n war en *over performance* lo reveni. Nou devret pran sa larzan met avek lepep ki an bezwen. Mon kapab donn ou detrwa legzanp ki mannyer tou dimoun i perdi.

Travayer i perdi. I annan mil *vacancy* si pa kapab ganny *filled*. Popilasyon i perdi. I annan program semen, program lakaz, program Minister Finans larzan nou pa kapab egzekite.

Gouvernman li menm i perdi. Par egzant Proze *Rooftop* ki pa kapab ganny enplimante lo bann *building* Gouvernman ki ti kapab *save* en pe lo *bill* elektrisite.

Bann dimoun lo bann benefis i perdi, mon krwar i annan 20 ekek sepa 40 ekek milyon in *Approved Benefits* in ganny koupe.

Setadir parey mon'n dir taler. *It's one thing* pour ou fer *savings* ler ou annan plis larzan e ou'n egzekit ou program, i ok. Be ler ou annan plis larzan ki dan ou lanmen ou pa kapab *deliver*, tou dimoun i perdi, lasosyete

an zeneral i perdi. Mersi Madanm Chair.

MADAM CHAIR

Ou ti annan en lot kestyon Onorab?

HON ALVIN GRANDCOURT

Mersi Madanm Chair. Pa en kestyon, me selman en refleksyon, si ou permet mwan.

MADAM CHAIR

Ki vreman kourt. Enn ki vreman kourt.

HON ALVIN FRANCOURT

Enn ki vreman kourt.

MADAM CHAIR

Ki annan en kestyon avek.

HON ALVIN GRANDCOURT

So, apre sa larepons ki Minis in donn nou e profite pou felisit ou tim ki'n la pandan tou sa lannen. E menm ou dan ou lapwentman *maintenant*.

Me selman apre ki mon'n tann, atraver ou, mon bann koleg lot kote lataf pe glorifye e pe sey fer Lepep Seselwa krwar poudir en bon performans. Me selman par kont mon bann frer ek ser, nou realize poudir kot i konsern lavi kotidyen Seselwa, kot i konsern *everyday life*, kot i konsern sa manman ki bezwen leve 5er bomaten pour

li prepar son piti e pou li al travay, i pran 4 bis...

(Interruption)

MADAM CHAIR

Kestyon Onorab. Si ou kapab anmenn ou kestyon.

HON ALVIN GRANDCOURT

Ok, nou pe vini. Eski vreman sa in fer zot dibyen? Mersi Madanm Speaker.

MADAM CHAIR

Onorab Romain.

HON GEORGES ROMAIN

Bonzour Madanm Chair. Madanm Chair, mon kestyon in fini ganny reponn pli boner. Mersi.

MADAM CHAIR

Alright. Onorab Robert David?

HON ROBERT DAVID

Bonzour Madanm Chair. Mersi Madanm Chair. Bonzour tou bann Manm Onorab, osi tou bann dimoun ki pe swiv nou. Bonzour spesyal bann zabitan Mont Buxton. Minis ek ou delegasyon osi bonzour.

Minis, mon pe refer dan sa seksyon ki koz lo Program Sosal Gouvernman. Sa seksyon i koz lo *Home Improvement* avek *Re-Roofing Scheme* pour bann pansyoner. En total R2milyon pa'n ganny

depanse akòz mwens dimoun i fer laplikasyon pou sa bann fasilite...

Eski Minis i kapab eksplik Lasanble ki bann faktè ki'n kapab kontribye ki mwens dimoun in fer laplikasyon pou sa *scheme*? E ki bann mezir, ki bann lezot stratezi zot anvizaze adopte pou ankouraz plis pansyonè pou servi sa bann *scheme*? Mersi Madanm Speaker.

PS ASTRIDE TAMATAVE

Mersi Onorab pou ou kestyon. Onorab petet nou av rapel anliny ek Bidze 2025 ler nou ti prezante ti annan bann revizyon dan bann prodwir avek *HFC*, kot nou ti pe target bann pansyonè *in terms of* sa *amount of loan* ki zot ti kapab ganny akse, ti annan en logmantasyon.

Aprè ti annan lezot prodwir ki ti ganny azoute anvi ki zot pa ti pe ganny asiste. Akòz letan ou en pansyonè, ou al labank pou ou *apply* en *loan* pou en senp pti renovasyon oubyen *given* pou bann lekipman, zot pa ti pe gannnen akòz zot napa en saler. *The risk is high.*

So, avek *HFC* nou ti'n reviz sa bann prodwir. So, nou'n ganny en dele letan pou nou finaliz sa bann prodwir. In ganny lanse ver trwazyenm kar sa lannen. So, *this is the*

reason why i annan sa *savings*.

Me selman, nou osi santi ki nou bezwen fer en pe plis ledikasyon osi lo sa bann prodwir ki'n ganny revize, ki nou bann pansyonè zot konnen ki i annan sa bann *product* kot zot kapab akse sa bann sours finansman avek *HFC*. Mersi.

MADAM CHAIR

Onorab Uranie.

HON ROCKY URANIE

Mersi Madanm Chair. Bonzour Minis ek ou delegasyon. Bonzour tou koleg Onorab e tou zabitan ki a lekout.

Minis, mon kestyon i anvi ki ler mon ti pe get *COMESA* sa ki in fer sorti se ki an Oktob Ladministrasyon *LDS* ti dir ki lenflasyon ti 0.3poursan. E *COMESA* li in fer sorti ki annefe lenflasyon i 8.7poursan.

Petet la zot ti a kapab sey dir nou konmsi ki petet ki formil ki'n ganny servi ki fer ki sa kalite komantr ti'n ganny pase ki lenflasyon ti zero pwen - mon krwar pwen 3poursan?

Aprè mon lot kestyon i anvi ki Prezidan avan ti'n dir ki *L'Union Estate* i pa bezwen larzan Gouvernman, i fer bokou profi. Me la mon war i pe rod Bidze Siplemantr

5milyon pour bann proze ki i dir i pe al fer.

Petet zot konnen egzakteman ki proze i pe al fer, i ti ava les nou konnen egzakteman ki proze pe al fer e si *L'Union Estate* i vreman pe fer sa kalite profi ki in dir ki Prezidan avan ti dir in fer?

E mon lot kestyon i, mon war apepre R115milyon pour Ladefans. E anvi avan nou ti'n ganny dir nou ti'n ganny donner 4 bato. Apre 4 bato ti'n vin 5 bato.

Me la mon war ladan nou pe demann sa kantite larzan pour bato. Petet ti a bon nou ganny en leksplikasyon konmsi egzakteman ki kalite bato e akfer tou sa kantite larzan? Mersi.

MINISTER **PIERRE**
LAPORTE

Onorab, mersi pour ou kestyon. Madanm Chair, mon a reponn premye kestyon apre mon - lo sa premye kestyon, mon pa kapab donn ou en leksplikasyon la ozordi, aköz nou bezwen analize aköz sa disparite i enorm. Se ki mon kapab dir ou dan mon leksperyans baze lo - pa mwan, tou Seselwa ava dir ou.

Baze lo nivo ki pri lavi pe ogmante Sesel dan sa bann dernyen lannen, mwan mon war li en pti pe sa 0.3poursan i pa paret anliny avek larealite. Selman mon dir i pa paret,

aköz nou pa'n fer okenn legzersis *empirical* pour mwan kapab dir definitivman.

So, mon prezimen, mon *speculate* ki i annan en dekoneksyon ki keksoz evolisyon dan konpozisyon konsonmasyon lot dimoun avek sa ki i servi.

Aküz mannyer pri lavi i ganny mezire, i annan en serten kantite prodwi ki en *survey* i ganny fer, en *household survey*, i dir ou an zeneral la, la bann prodwi ki en *household* ouswa en dimoun i servi.

E baze lo la i donn ou en serten poursantaz. Si ou konsonm plis sepa 40poursan ou saler I al lo - ou *income* i al lo ou transpor, 80poursan i al lo manze, 5poursan i al lo *entertainment*.

Sa in ganny fer en kalkilasyon e i donn ou en *household consumption basket*. E sak mwan *National Statistic Bureau* i get bann pri i al dan bann laboutik, i pran sa bann pri sa bann marsandiz i gete konbyen e i fer en *index*, en lendis ki *overtime* i mezire. E nivo poursantaz dan krwasans sa lendis ki donn lenflasyon ki mezir kou lavi.

So, pou reponn ou kestyon *a long - a short answer*, se ki nou bezwen fer en travay pour nou vwar si vreman ki pe arive, si pa'n ler

pou nou revwar sa *basket* pour nou kapab fer definitivman.

So, mon pou dir ou sa 0.3poursan i paret...sa ki pe arive *out there*. Lo *L'Union Estate*...

PS ASTRIDE TAMATAVE

Ok. Mersi Onorab pour kestyon. Lo kote *L'Union Estate* sa *Grant* ki nou'n donn *L'Union Estate* 5milyon, ladan 1.2milyon i pour Gro Ros. Kot Gro Ros zot pe fer en *boardwalk*, sa i kout 1.2milyon. Si mon donn ou en pe detay.

I annan en *Petting Zoo* ki pou *allow* bann viziter pou enterakte avek zannimo ki pou osi *enhance* ledikasyon avek bann - ki pou donn bann fanmir en leksperyans letan zot dan *the estate*. Sa i R869mil.

I annan en *Tree House Deck* ki pou ganny fer kot Gro Ros, i R330mil. I annan en *Coconut Craft Center* ki pou ganny fer, R440mil. Zis pou mwan donn ou 2 legzanp. Apre pou annan en *Coco Ride* ki li i pou en *recreational bicycle mini roller coasters* pour bann fanmir e zanfán. Li i pou apepre R400mil.

So, sa i an gro louvraz ki annan pou fer anba Linyon. Lide par deryer se ki pou amelyor latraksyon e aktivite dan *L'Union Estate*. Letan en

viziter i vin kot *L'Union* i pa zis en *gate way to Anse Source D'Argent*. Me i annan aktivite ki viziter i kapab fer dan *L'Union* ki pou osi ede anmenn plis *economic activity* dan sa *park*.

Lo kote Ladefans, sa larzan pour bato, sa i pou 2 bato. Sa sonm i enkli 22.9milyon pour en *interceptor boat*. Sa i ganny finanse par Gouvernman Lenn. Apre R91.8milyon, sa i pour en *type 062 IS type Escort Board Boat*. Sa in ganny finanse par Gouvernman Lasin. Mersi.

MADAM CHAIR

Onorab Uranie.

HON ROCKY URANIE

Mersi *Minister* pour ou kestyon. Mersi PS. En kestyon ki pa'n ganny reponn, eski *L'Union Estate* i fer profi? E apre dan Bidze 2025, ou ti annan R100mil ki ti'n ganny mete pour *Petting Zoo*. Me la ou pe dir mwan i ariv 869mil. Konmsi ki sa gran diferans konmsi? Pou met torti ladan oubyen...? Mersi.

(laughter)

PS ASTRIDE TAMATAVE

Mersi Onorab. Ozordi *L'Union Estate* wi i - mon pa pou kapab 100poursan lasirans. Me selman *L'Union Estate* i pa pe ganny en sibvansyon avek

Gouvernman. Savedir *in terms of* profitabilite zot profitab.

Me lentansyon pou *improve* aktivite se ki pou *L'Union Estate become more economically viable* ki konman en SOE i ava kapab an retour donn Gouvernman *back dividend*, ki ozordi avek SOE parey *L'Union Estate* nou pa pe resevwar.

Lo kote *the Petting Zoo*, mon pa pou kapab donn ou detay spesifik. Selman diskisyon ki ti annan se ki zot ti anvi enkli bann lezot zannimo. Par egzanp bann –

(Off-Mic)

PS ASTRIDE TAMATAVE

Ok Onorab.

(laughter)

MADAM CHAIR

Onorab Tirant.

HON COLIN TIRANT

Bonzour. Bonzour Madanm Speaker. Bonzour Minis ek ou delegasyon. *Minister*, ler ou'n koz lo *regulatory bodies*, mon pou al en pti gin lo *Utilities Revenue Commission*.

Ou'n zis tous en pti gin taler sa R10milyon la, *ok*. Ki zot pe fer, ki ou Gouvernman pou fer pou fer sir ki sa proze Gouvernman *rooftop* i kapab ganny delivre ou *beef up capacity* sa lorganizasyon, pou

li kapab delivre lo son manda? Sa i en kestyon.

Mon dezyenm kestyon i lo *Assumption*. Vi ki 2 zour pase ti annan en reportaz lo SBC e sa zournalis ti dir poudir Gouvernman Sesel in ganny li \$45milyon avek sa devloper. E la ozordi Minis in vini in dir nou poudir \$17milyon ki'n antre dan kont Gouvernman.

Zis eksplik mwan, eksplik zabitan Glacis en pti pe aköz zot pe demann mwan aköz sa ladiferans e kote sa larzan in ale, silvouple? Mersi.

MINISTER
LAPORTE

PIERRE

Onorab, mersi pour kestyon. Madanm Chair, lo sa kestyon PV, sa nou konsider li en keksoz - en proze tre enportan. Annefe dan nou manifesto nou met en gran lanfaz lo nou program *renewable energy*.

Nou Gouvernman i serye ki *over the next 5 to 10 years* nou anvi anmenn en sanzman drastik dan lafason ki nou zener lenerzi bann prodwir lenerzi Sesel, sirtou elektrisite.

E sa i pou zis en pti eleman dan *en broader* program pour nou tranzisyonn pour *renewable energy*. Sa i en kestyon ki nou Minister a vin reponn pli tar.

But definitivman i en proze ki nou pou bouz bokou aköz - e i en keksoz ki mon

krwar nou devret *extend* li lo plan bann lekòl, bann lopital, lo tou bann biwo Gouvènman.

E mwan mon pou dir ou personelman, mon krwar poudir Gouvènman i bezwen revwar son Polisi lo ki permet bann biznes e bann *household* bann dimoun, bann lakour annan akse avek bann lekipman pou prodwir elekrisite par bann fason soler e lezot. So, definitivman sa i en keksoz ki nou pou adres tre agresivman.

SS PATRICK PAYET

Mersi Madanm Chair. Mersi Onorab. Madanm Chair, sa ki nou ti pe dir sa 10.7 - \$10.5milyon lo kote *lease* i ti sa *lease* ki IDC pe donn sa *investor*. So, i spesif pour sa *lease*.

Me sa ki'n pase dan reportaz e lenformasyon ki nou'n gannnen kot IDC, sa balans ki apepre \$28.1milyon i lo kote - akòz parey ou konnen, IDC i en lakonpannyen konstriksyon tou. So, pour li fer konstriksyon i osi i pe partisipe pour li kapab fer en konstriksyon lotel.

So, sa i balans ki li in gannnen. I pa profi ki in gannnen. Me pour li kapab fer sa konstriksyon lotel \$28.1milyon.

Me selman li IDC *in advise* ki definitivman i pa

ankor donn nou detay kekfwà ki kantite profi in fer lo sa aktivite sa bout konstriksyon. Me sa \$17.5milyon sa i direk letan in *lease* sa morso zil. Mersi.

MADAM CHAIR

Onorab Lemiel.

HON SYLVANNE LEMIEL

Mersi Madanm Chair. Enn mon kestyon in ganny adrese, i ti konsern *Utilities Regulatory Commission* an sa ki konsern sa bann PV lo - *rooftop PVs* ki mon osi mon vwar i annan en nesosite irzan petet pour nou fer sa pou koup en pe Bidze lo sa ki konsern elekrisite.

Lot kestyon mon vwar sa IFMIS. Li osi i pour Minister - i tonm anba Minister Finans, *National Planning* ek *Trade* ki annan en *budget cut* R30milyon.

Petet wi i annan *delay* dan lenplimantasyon, kwa ki petet in koz sa *delay*? Eski sa proze li menm in annan en komansman oubyen i pa ankor komans ditou, e si in komanse kwa ki reste pou fer?

Dezyenm kestyon i an term *Education Loan Scheme*. Nou vwar mon krwar ti annan 8milyon si mon pa tronpe sa lannen, depi 2023 pe donn apepre 8milyon dan Bidze. Nou vwar i reste en sonm R3milyon. E ler nou pe regarde i paret ki bokou nou etidyan

menm si petet zot ti ava anvi *access to that loan*, sa ki mon'n konpran deor i se ki i annan en pti pe serten sa bann etidyan ou paran i ganny serten sa bann difikilte pou zot kapab *access*.

E se sa ki nou vwar prezan i reste en tel sonm larzan ki petet nou ti'n kapab *cater* pou ankor 2 a 3 etidyan.

Mon ti a kontan konnen avek Minis avek ou lekip, ki zot pe mazin fer an sa ki konsern *student loan* ki petet la nou pe vwar sa sonm larzan ki'n reste petet i pou al ganny *divert* dan en lot keksoz, kan nou bann etidyan zot menm, zot pe espere pour zot kapab al fer en letid aletranze. So, sa petet i mon 2 kestyon ki mon ti annan. Mersi.

PS ASTRIDE TAMATAVE

Mersi Onorab pour ou kestyon. Mon ava reponn kestyon ki relye avek *IFMIS*. Wi, *IFMIS* nou'n rankontre en *delay*. Nou lentansyon se ki inisyalman ti pou nou fer preparasyon Bidze 2026 *in the new system*. Lannen pase nou ti'n rankontre en pe retar dan *procurement of the system*.

Me apre sa letan nou'n siny kontra boner sa lannen e nou'n ganny *the first UAT test*, *User Acceptance Test*, aköz i en *off the shelf program* ki nou'n aste *and* i pe ganny *customize* baze pou *meet* nou bann

SOPs, nou bann *process flow*. Letan nou'n ganny *the first UAT*, nou pa ti neseserman satisfè ki tou nou bann *SOP*, nou bann prosedir in ganny enkli dan sa sistenm.

So, *this is why* nou'n bezwen refer *a second User Acceptance Test*, ki *actually* la *the team of the konsiltan* i dan pei. Zot pe travay avek nou tim pour nou kontinyelman develop *the system*.

So, baze lo nou *current work plan* nou ekspekte ki *by* Avril 2026 nou'n ganny *the IFMIS* pare ki nou ava kapab komans preparasyon Bidze 2027 avek *pilot MDAs*. Nou pou fer li lo baz pilot, pour nou fer sir ki –

Rezon aköz nou pou fer li pilot, pour nou regarde si i annan okenn pti *hiccups* letan sistenm pe ganny servi. E sa pou ganny nou plan Avril 2026. *And this is why* nou'n bezwen fer sa koupir dan 2025, aköz sa retar ki nou pe rankontre.

Letan nou pou pe prezant Bidze 2026, zot pou vwar sa sonm ki nou pou mete pou en pti gin an plis ki nou ti pe plan pour lannen prosenn. Mersi.

SS PATRICK PAYET

Mersi Onorab. Madanm Chair, sa ki konsern *Educational Loan Scheme*, parey zot okouran letan nou ti met sa striktir an plas ti annan bann

sekteur ki nou ti ankouraz bann etidyan pou al ladan. Me nou rekonnet kekfwa letan bann etidyan in *apply* avek labank ki annan bann nouvo sektèr pe *emerge* ki pe antre.

E sa nou dan diskisyon avek bann labank osi, akòz letan par egzanp zot ganny en pe sa bann laplikasyon ki an deor sektèr, zot anvoy kot Minister Finans e nou, nou anvoy lo sa komite parey *the* lankadremman Polisi ti'n ganny met an plas. Ki zot diskite par egzanp ki bann *module* ki dan sa bann kours ki bann etidyan pe al etidye.

So, definitivman la ki nou pe fer, nou pe kolekte en pe lenformasyon avek labank lo kote ki kantite etidyan ki'n kalifye pou ganny sa *loan* anba sa *scheme*. E osi bann ki zot in *reject*, pour nou konpran en pe plis rezon.

Ki avek sa kekfwa nou ava re rekalkibreye en pe bann prenan kont bann *rejection* ki'n arive, nou ava kapab re vizit en pe sa *scheme* an antye li menm.

Akòz i en *scheme* ki nou panse ki i kapab - sirtou par egzanp bann etidyan ki anvi kekfwa al fer son *master*, ouswa menm kekfwa *distance* ouswa *supplement* en pe, ki kekfwa zot paran pe kontribye kekfwa zot osi zot bezwen en bout.

So, nou anvi vwar li dan son totalite, me selman nou ava kolekte en pe plis sa bann lenformasyon. E dan letan diskisyon Bidze nou ava kapab annan en pe plis detay pour nou kapab annan en pe plis rezon akòz kekfwa i annan en pe bann etidyan ki'n ganny *reject*.

E si nou bezwen rekalkibreye li, met en pe bann rasyonnel. Me selman i mazorite *case* ki'n vin devan nou se akòz bann sektèr ki bann etidyan ti pe swazir.

Me selman nou definitivman avek - nou anvi fer sa mars avek sa Plan Nasyonal Resous Imen ki fer sir ki letan sa etidyan i retounnen, *the next day* i pe ganny tap laport pou ganny en *job*, e sa i ava ed li pour li repey son *loan*.

Se sanmenm sa ki nou anvi fer li anlinyen avek sa Devlopman Nasyonal Resous Imen. Mersi Madanm Chair.

MADAM CHAIR

Onorab Sopha.

HON GERRY SOPHA

Mersi Madanm Chair. Bonzour Madanm Chair, bonzour bann koleg Onorab. Bonzour Minis ek ou delegasyon bonzour tou dimoun ki pe ekout Lasanble Nasyonal.

Minis, Desanm 2020 Sesel in antre dan en nouvo program makroekonomik avek *IMF*. Ladministrasyon sortan pa'n zanmen eksplik plan reform sa lagreman pou pep Seselwa kapab konpran ki son benefis e defi ki popilasyon pou kapab fer fas avek.

Alors, mon pe demann mins, eski i posib pou son Minister kapab fer en laranzman a en moman apropiye, si i posib avan lannen i fini pou devwal bann gran liny dan sa lagreman ki ti ganny sinyen an Desanm 2020 o non latransparans ? Mersi.

MINISTER PIERRE LAPORTE

Mersi Onorab. Madanm Chair, mon pa dan en pozisyon la-mon napa tou sa detay avek mon mon a prepar en rapor, *I mean* mon konnen ki sa rapor in ganny pibliye e bann revi swivan. Me selman napa problem nou ava fer en *summary* bann langazman eksetera e nou ava *provide* sa Lasanble Nasyonal. Mersi.

MADAM CHAIR

Onorab Lepathy.

HON NELSIA LEPATHY

Mersi Madanm Chair. Bonzour Minis avek ou *panel*,

bonzour tou Manm Onorab e bonzour tou dimoun a lekout.

Madanm Chair, si ou permet mwan mon annan 2 kestyon pou demann Minis, Minis an referans avek Bidze pou *SIA*, mon'n vwar ki i annan en *budget cut* R84milyon, e sa mon mazine i aköz mon vwar ki i annan detrwa proze ki pa'n ganny egzekite tel ki *Government House building*, Proze Lenfrastriktir Ile Aurore, e osi Proze Ile du Port *Development*.

E li *SIA* li i en lazans ki ganny mandate pou fer bann proze, Minis, eski dan Bidze 2026 ki zot pou vin anmenn devan Lasanble tre byento ou Minister pou revwar rol bann lazans ki responsab pou egzekisyon bann proze enkli *SIA* osi, e ki letan larzan i ganny bidzete proze i ganny egzekite ?

Dezyenm, dan en *statement* ki ou'n fer pli boner Minis, ler ou ti pe reponn en kestyon ki en Onorab in demande, ou'n dir ki i annan anviron mil *vacant post* dan servis piblik ki pou mwan sa i en pti pe trakasan, aköz mon konnen ki i annan zenn profesyonnèl deor ki san en lanplwa.

Mon konnen poudir parey ou'n dir pli boner i pa dan manda Minister Finans pou al *recruit* nouvo travayer pou met dan sa bann *post*, me

Minister Finans ki i plizoumwenn finans sa bann *post*.

Me eski Minis i kapab dir nou si Minister menm si zot diferans zot kapab travay ansanm byensir kot Minister Finans li i a kapab lans en lapel avek bann diferan Minister konsernen, kot si sa bann *vacant post* par egzanp i bann pozisyon en pe pli o, kot zot kapab vwar posibilite pou fer en *review* performans sa bann travayer ki la i ava annan ki ava ganny sans pou ganny en promosyon kot i nesese byensir.

E ki sa i ava kre en lespas pou kapab *recruit* bann nouvo dimoun pou sa bann *post* ki *vacant* ozordi ? Mersi.

MINISTER **PIERRE**
LAPORTE

Onorab mersi pou ou keston. Madanm Chair, en bon keston dabor lo *SIA* en, *SIA* i kler poudir i annan en problem kapasite e sa ki'n fer ler nou'n vini par egzanp nou'n war ki parey ou'n war dan sa Bidze plizyer santenn milyon proze ki ti'n ganny bidzete sa lannen menm pa kapab egzekite.

So, menm ler nou vin ek *the next* Bidze Siplemanter nou pou bezwen demann *cut* ankor. E menm bann proze ki dan Bidze ki'n ganny prevwar pou lannen prosenn, i annan

en bann pa ankor ni komans fer plan, i annan pa ankor komans *drawing* e ou pa kapab koumsa ou pou anmenn ankor en Bidze lenvestisman ki pou *inflated* ki demen ou pa pou kapab egzekite.

Annefe, sa i en bann parey mon ti dir lot fwa Madanm Chair, nou pa'n vremen ganny gran diskisyon avek *IMF*, solman lo enn de keksoz ki nou'n touse par egzanp *IMF* i oule ki nou annan en pli o nivo proze. Mon largiman ek *IMF* se wi nou pou anmenn en pli o nivo proze, be nou bezwen enn de lannen pou nou kapab *build* sa kapasite.

Mon pa kapab met en zoli kantite proze dan en Bidze kan Lepep Seselwa i annan lot priyorite. So nou bezwen *build* kapasite *SIA* i annan serten diskisyon sizesyon nou'n fer par egzanp mon si *SIA* i annan li tro bokou keksoz i pa kapab fer, *outsource* i annan bann enzenyer, bann *architect out there* ki ti kapab travay ek zot so zot bezwen vwar lafason ki zot *operate*.

Sansan i pa pe marse *right now* i bezwen sanz fason. Pa mwan ki annan tou solisyon, revi i a ganny fer. Menm keksoz pou sa mil *vacant position* ki annan, deza *ok*, *Cabinet* i *aware of* sa, deza dan bann re alokasyon bann

Minister i annan serten travay ki pe ganny fer.

E nou pe demann bann Minis pou pa zis senpleman *fill* bann pozisyon, sa ki nou pa krwar i nesese nou annou osi koupe e sa i en legzersis pli lonterm ki nou espekte bann Minister avek Minister *manpower* i ava fer dan bann semenn, mwan ki vini.

Annou pa zis osi kre pozisyon zis pou nou fer gran, gran *chiffre*, annou kre pozisyon kot nou bezwen ki Gouvernman i a fonksyonn dan en fason efikas. So sa i bann legzersis ki bezwen ganny fer dan bann mwan ki vini. Mersi Madanm Chair.

MADAM CHAIR

Onorab Audrey Vidot.

HON AUDREY VIDOT

Mersi Madanm Chair. Bonzour Minis, tou Manm Onorab e tou dimoun ki a lekout e en bonzour spesyal pou bann zabitan Roche Caiman.

Minis, mon kestyon i an referans avek Anti-Koripsyon. Mon agree ki sa koripsyon i bezwen finansman pou li kapab fer son fonksyon. Me parkont i annan serten konsern ki mon annan. Kot *foreign consultancy fee* mon war zot in ganny R10milyon ki pe demande *additional fund*,

apre osi pou *legal fee* i 3.3milyon.

Mon ti oule konnen zot in dir pou *ongoing projects*, mon ti a kontan konnen konbyen si zot pou annan sa lenformasyon, kantite sa bann proze?

Akoz nou ti ava swete ki sa letan Gouvernman pe donn Anti- Koripsyon finansman pou dil avek zot bann *case* zot bann proze ki zot annan pour ki nou kapab war en pe rezilta. So, nou bezwen war valer pou larzan ki nou pe investir pou nou adres bann ka kot i annan koripsyon e pou nou war rezilta.

Dezyenmman, mon war *Agency for Social Protection* osi zot in *shortfall* lo en proze ki ankor zot in demann finansman pou *foreign consultancy* pou sa *digitalisation project*.

Si, ou kapab donn nou en pe lenformasyon lo la ki zot annan aköz nou konnen i annan pa mal Seselwa ozordi ki pe ganny difikilte pou zot kapab servi sa servis *online* pou zot fer zot bann prosedir e zot bezwen rod led partou. Menm kot nou bann Manm Lasanble Nasyonal, pou sey gid zot. Si vreman i fezab e donn nou en pti pe leklersisman lo la.

E *lastly* mon konnen zot in demann osi finansman pou kouver en pe lo *rent* ki letan

zot ti fer- zot ti pe *relocate* lofis, mon konnen ti annan serten renovasyon mon ti oule konnen akòz mon konnen i annan *staff* ki ti pe *work from home* dapre lenformasyon ki mon'n gannnen.

Me mon ti oule konnen ki bor bann landrwa ki petet zot ti bouze ti pe *rent* ki pou sa sonm? Mersi.

SS PATRICK PAYET

Mersi Onorab e mersi Madanm Chair. Madanm Chair, lo kote premye kestyon sa ki konsern ACCS parey zot vwar ki i annan en adisyonnèl ki nou pe mete dan Bidze siplemanter, sa i pou en lavalè R13.5milyon. E dan Bidze orizinal pou 2005 nou ti'n deza mete en alokasyon e nou ti ekspekte ki son bann *major case* ki annan pou konplete *by* Zen.

E akòz sa in ganny *extended* in *extend* tou kontra son bann *consultant* ki pe travay avèk li, i annan bann diferan konsiltan e i pou en lavalè apepre R3.5milyon par mwan. Sa lendikasyon i anmenn sa ki nou bezwen met sa adisyonnèl dan Bidze 2025.

Nou dan diskisyon avèk li pou dan Bidze 2026 pou nou kapab konstate ki mannyer nou prozeksyon pou ete pou lannen 2026. Mersi. Nou ava pas laparol avèk PS pou sa

dezyenm kestyon lo kote ASP. Mersi.

PS ASTRIDE TAMATAVE

Mersi Madanm Chair. Mersi Onorab pou ou kestyon.

Lo kote Lazans Proteksyon Sosyal, dan sistenm li menm li in ganny lanse, *currently* zot pe servi sa nouvo sistenm me selman i ana serten louvraz ki nou okouran zot ankor pe fer *with the developer* pou zot fer sir ki i mars parfètman byen.

Akòz natirelman letan en nouvo sistenm i ganny enplimante oubyen entrodwir pa neseserman- akòz lentansyon par egzanp pou sa sistenm li se ki dimoun i a kapab *apply* pou son bann benefis *in the system*.

Be pa tou dimoun ki pou kapab servi sa sistenm *from day one*. I annan en ledikasyon ki bezwen ganny fer apre *still* Biro Swen Proteksyon Sosyal son bann zofisye i bezwen asiste tou bann benefisyer ki anvi ganny akse avèk en lasistans ki sa lazans i *provide* avèk nou pep.

Lo kote *office building rent*, zot in bezwen sorti kot zot ete la *partly* kot *Ocean Gate House*, *currently* zot kot *Sacos Tower*, me selman i kapab i dan diskisyon ki vini lo pli tar kot zot petet ganny *relocate* me selman *currently* zot kot *Sacos Tower*. Mersi.

MADAM CHAIR

Onorab Toussaint.

HON JEAN TOUSSAINT

Mersi Madanm Speaker.
Bonzour Madanm Speaker.
Bonzour Minis avek ou delegasyon, bonzour tou Manm Lasanble, bonzour tou bann ki pe ekout nou dan lakour, bann dimoun.

Mon pou retourn lo *West Coast* Minis si ou permet mwan. Sa proze *West Coast* mon krwar i enportan fer resorti ki i pa en proze ki fek vini detrwa lannen pase. I annan en pe lannen ki sa proze i annan negosyasyon e nou konnen poudir tou dimoun dan sa rezyon la kot Was avek Sid zot apresye ki i annan en proze parey.

Nou'n trouv adisyonnel R42milyon sote, an relasyon avek sa proze e sa i dan kad VAT ki nou'n tande bomaten ozordi isi. Me i en sonm vreman signifikan an relasyon avek travay konsiltasyon *consultancy* avek sa ki'n dekrir koman *variation works*.

Kestyon i se ki eski sa proze i pe konsider sa varyasyon larzan la eski i pe konsider zis bann sa proze ki pe *ongoing*, ouswa li osi enkorpor en travay ki'n annan defayans avek?

Legzanp lo kote Anse Boileau kot drenaz ki egzistan

pa pe neseserman fonksyonnen byen. E i annan osi en landrwa par egzantp dan rezon kot *MAIA* ki problemn drenaz i la i egziste i napa drenaz an prensip ki egzistan. Mon kestyon i sa Minis, ou *panel* sa ki ti a kapab reponn. Mersi bokou.

PS ASTRIDE TAMATAVE

Mersi Onorab pou ou kestyon. Onorab, *currently West Coast Project* louvraz ki'n ganny fer i *phase one*, 2 avek 3.

Baze lo lenformasyon ki nou'n gannnen avek Departman Transpor an vi ki zot ki ti annan diskisyon direk avek *donor*, i ti en diskisyon direk ant Departman Transpor avek *donor* zot in dir nou *phase 2 and 3* in ganny konplete me *phase one* li i annan ankor serten travay ki bezwen ganny fer.

So, nou pa pou konnen egzaktaman si sa konponan ki ou pe mansyonnen par egzantp kot *MAIA* drenaz si ti form parti dan *phase one* ki ankor reste *pending* pou fer. Nou ava *find out* sa bann lenformasyon *and then we will provide to the National Assembly* silvouple. Mersi.

MADAM CHAIR

Onorab Toussaint.

HON JEAN TOUSSAINT

An relasyon avek defayans ki annan avek drenaz dan Anse Boileau dan bor dan rezyon laplenn e dan zanmerant an desandan kot kordgard kot drenaz pa fonksyonnel sa i *phase one* mon mazine non?

PS ASTRIDE TAMATAVE

Nou ava regarde me selman si an ka sa bann proze drenaz bann *issue* drenaz i pa form parti *the West Coast Project*. Nou ava fer diskisyon an vi ki la nou pe fer diskisyon Bidze 2026 nou ava regarde avek Departman SLTA, Departman Transpor ki provizyon zot pou fer pou fer sir sa bann *issues* ki ou pe mansyonnen i ganny adrese. Mersi.

MADAM CHAIR

Mersi. Si nou napa okenn lezot kestyon. Onorab Herminie.

HON WILBERT HERMINIE

Mersi Madanm Chair. Mon annan zis ankor 2 kestyon, *in regards to* ler mon pou al lo paz 4 *Health Care Agency*. Nou war ankor i annan en *additional* 10milyon ankor ki zot in *cater* pou *shortfall*.

Kestyon i leve ankor lo zot ti'n deza orizinal- Bidze orizinal *budget* pou sa an 2025, kwa ki pe fer sa 10milyon an plis dan sa Bidze *Health Care Agency*?

Epi mon dernyen kestyon *in regard to President's Office*

lo paz 5, mon war i annan en adisyonnèl 3.5milyon, mon war pou Grannkaz, lakwizin epi pou penn. Mon kestyon kekfwà i ava al pou Minis, vi ki ou'n mont *State House*, eski sa bann travay in ganny fer, e akòz nou anvi konnen akòz bokou keksoz ki pe pase deor nou pa konnen si vre sa bann louvraz in ganny fer.

Eski lakwizin in ganny *renovate*? Grannkaz in ganny *renovate*? Eski- akòz ler mon pe get en Bidze 3.5milyon pou penn i en pe eksesiv. So, Minis eklersi en pe sa bann dout. Mersi.

MINISTER

PIERRE

LAPORTE

Onorab mersi pou ou kestyon. Mon an les Onorab reponn sa enn pou *Health Care Agency*.

Pou *State House*, lakwizin eksetera, eksetera mon'n tro bizi dan Bidze avek sa mon pa'n tro ganny sans al vizit sa bann zafer, mon ki mon pou dir ou, se ki i annan plizyer defayans, plizyer keksoz ki ler Gouvernman in antre *State House* i annan serten keksoz ki pa dapre- ki pa pe *match* avek *figures* ki nou'n gannnen.

Mon pa oule al dan tro bokou detay akòz Gouvernman pou lans serten odit, bann propriyete bann keksoz ki mon pa pou la dan bokou detay ler keksoz pou pa

subject to en odit en lenvestigasyon. Ki mon kapab dir ou, i ava annan travay ki ava ganny fer e i a etabli tousala.

Mon'n tann nonm lisyen la, mon'n tann nonm torti, napa poul ki vann dizef R1 osi mon pa konnen si i annan. Non gete, Gouvernman a fer son lodit dan sa ki'n arive State House e ler moman apropiye en rapor ava ganny sorti e Lasanble ava ganny en kopi.

Ou kapab reponn sa kestyon Health Care Agency Please?

COMPTROLLER GENERAL
JUDE COMMETTANT

Yes, thank you, Onorab. Pou sa 10milyon adisyonnèl pou Health Care Agency, basically parey nou fer tou le lannen e ki annan Bidze ki ti'n mete e parey nou fer revè tou le milye lannen, nou get depans ki'n arive e nou'n war poudir request ki nou'n gannye from Health Care Agency larzan adisyonnèl ti menm plis ki sa baze lo zot, zot prozeksyon ki zot ti pe fer.

Me selman ler nou fer assessment nou fer alokasyon within savings ki deza egziste e nou'n war poudir adisyonnèl ki nou pou bezwen ete i pou sa 10milyon.

So, i part of the review ki nou'n fer tou le lannen so i pa

en keksoz ki nouvo, so, baze lo depans ki'n ganny fer e lo prozeksyon ki pou larestan lannen e lo lezot landrwa kot nou'n kapab vwar sa larzan pou nou kapab kouver en pe sa bann depans, nou'n vwar poudir s adisyonnèl ki nou kapab mete i zis sa 10milyon.

MINISTER **PIERRE**
LAPORTE

Madanm Chair, si ou permet mon dernyen pwen. Zis pou re klarifye ankor pou tou dimoun ki pe ekoute dan lakour.

Sa Bidze ki nou pe prezante mid-year budget i Bidze ansyen Gouvernman ki nou pe vin prezante isi akòz pa ti dan letan pou debat Lasanble Nasyonal. Sa i pa nou Bidze, tou depans ki'n gannye ladan ti'n ganny bidzete par ansyen Gouvernman, nou zis la pou nou regularise li e demann zot laprouvasyon. Mersi.

MADAM SPEAKER

Mersi. Si nou napa okenn lezot kestyon. Lasanble i ava sorti dan Staz Komite e nou a remersye Minis avèk son lekip e eskiz zot dan Chamber.

Bon, vi ki nou napa okenn lezot keksoz lo Order Paper, ABC i ava zwenn ler edmi si- wi, e alors nou ava adjourn ziska nou lot sitting.

(ADJOURNMENT)

